

地130.53-

42

10

部=

物	人
仕 績	宦 績

灤縣志卷十

人物志乙

(一)官績

編者按。歷觀列朝循良。政績多見於邳治之世。而亂世恆付闕如。蓋由邳治之世。民風淳樸。得賢令尹以宰之。每有來暮去思之詠歎。亂離之世。政令煩擾。朝不保夕。膺民社者。又恆存五日京兆之心。卽具召杜之長才。至此恐無一事之設施矣。况爲旅進旅退者耶。舊志自元迄清。得列循績者數十人。或忠清報國。或廉正愛民。雖漢唐良吏。未或過焉。書之以爲官斯土者鑒也。

元

鮮卑仲吉。字慶仲。先本中山人。避石晉亂。徙居灤。仲吉居家。尙義敦孝。後膺選以勇敢充副統。旣而海賊陷灤。率土兵吉巨昌等平之。州佐楊溟王欽等共推

灤縣志卷十

人物官績

仲吉權領軍事。至元丁丑。世祖命爲本州節度使。兼管內觀察使。元帥右監軍。仲吉乘師旅饑饉後。率民耕織。境內恬然。是年秋。進金吾上將軍。兼授金虎符。未幾入覲。遣同諸將討信安水軍。歲辛卯。爲兵馬都元帥。將四行臺。六總管。仲吉行兵多謀略。不嗜俘戮。汴鄭宋徐燕趙之民。全活者不可勝計。

按元史。元兵定中原。仲吉率平灤路諸軍門降。太祖命爲灤州節度使。從阿木魯南征。充右副元帥。次取信安關州諸城。以功授虎符。河北等路漢軍兵馬都元帥。歲壬辰。平蔡有功。加金吾衛上將軍。興平路都元帥。右監軍。永安軍節度使。兼灤州內觀察使。提舉常平倉事。開國侯。尋卒。

孫明。字同甫。大甯人。英銳不拘小節。博學能詩。以明經任山北縣司幕。至正四年。遷灤州知州。刑清政舉。修學養士。州人慕之。祀名宦。

明

李益謙。山東德州人。監生。洪武三年之州任。當草昧初。村舍爲墟。人民彫敝。益謙拮据荆棘間。繕城墉。修官署。復學校。立祠宇。課士訓農。省刑薄斂。州郡大治。在任九年。祀名宦。



陶安江南常熟人舉人永樂十七年之州任。涖事精敏。每農時出郊勸課。在任三年。境內殷富。去任民追思之。祀名宦。

李甯廣東南海人。進士。宣德六年之州任。詞嚴貌莊。寒暑衣冠無替。精吏事。行移皆自著。九年民無怨言。

稽昭江南崑山人。進士。博學工書。於正統九年之州任。剛介不阿。以廉靜自守。涖事得體要。民多賴焉。祀名宦。

蔡頤福建長泰人。舉人。景泰六年之州任。操履勤慎。法令嚴明。郡事脩舉。吏民畏敬。境內稱治。祀名宦。

楊鼎江西南昌人。進士。成化五年之州任。博學能文。砥礪儒行。修黌宇。鑄祭器。觀瞻以肅。士類翕然嚮風。祀名宦。

李智山東曹州人。家宰昂之子。舉人。成化二十一年之州任。廉明公正。吏民畏服。以內艱去。歷官知府。清操一致。祀名宦。

灤

縣

志

卷十

人物 宦績

一一

呂鑑字世重。山東鄆城人。舉人。宏治十年之州任。輕徭薄賦。興學育才。除剔稅政。先是灤稅輸邊。民多苦之。鑑特請改運近地。民懷德不衰。祀名宦。

王曉字孟哲。江南六安人。都御史霖之子。由舉人。於宏治十三年之州任。平易近民。民不知苦。擢福建泉州府同知。祀名宦。

高堂字升之。陝西米脂人。由舉人。於正德十四年之州任。廉明謹惠。脩學造士。人稱頌不忘。祀名宦。

張守陝西涇陽人。舉人。嘉靖三年任永平府同知。署灤篆。廉慎愛民。舊例草束上京輸場。歲費不貲。民甚病之。守爲疏請。得改派附近倉驛。歲省浮費銀十之

九。時奄璫某鎮守建昌營。惡其不利於己。譖以妄奏。械擊京師。南北科道交章雪薦。陞南京刑部員外。

趙葉字子玉。浙江東陽人。進士。嘉靖七年。以建甯同知。左遷灤州知州。抵任後。勸農捕蝗。興學課士。陞部郎去。民思之。立碑道左。祀名宦。

盧傑。山東商河人。舉人。嘉靖十五年之州任。政尚慈惠。恤刑愛民。民懷其德。爲之立祠。後祀名宦。

徐楨。南直隸長洲人。進士。嘉靖十九年。任刑部郎中。忤分宜相。左遷灤州。值歲饑。民多流移。楨善於撫綏。民爲復業。期年倉廩實。學校興。循聲卓著。

張士儼。字敬思。四川內江人。舉人。嘉靖二十年之州任。性純雅。政尚慈惠。賑饑民。葺學宮。陞保定府同知。祀名宦。

陳士元。字心叔。號養吾。湖廣應城人。進士。嘉靖二十四年之州任。建立鄉賢祠。造祭器。脩倉賑饑。時灤志闕如。文獻無考。士元得州人許康衢私志底稿。區門別類。排纂成書。付剞劂焉。頗爲郭青螺所稱許。灤之有志自此始。士元著有易象鉤解。易象彙解。五經異文。論語類考。孟子雜說。姓匯。姓鱸。古俗字略。楚故略。楚絕書。荒史世歷。隄疾恒談。江漢叢談。俚言解。齋語音義。嶽紀等書。俱行於世。祀名宦。

灤縣志 卷十 人物 宦績

張璜。廣東海豐人。舉人。嘉靖二十八年之州任。修養濟院。治橋梁。疏灤河。濬濠穿渠。環城植柳。去後士民追思。祀名宦。

韓應春。山東茌平人。舉人。嘉靖四十一年之州任。樸茂廉明。斷獄詳審。釋誣坐遣戍者四十八人。民立祠撰碑。祀名宦。

陸從平。江南華亭人。進士。萬歷十年之州任。勤慎精敏。革積弊。裁浮羨。歲省民錢數萬緡。後陞任去。民莫能忘。祀名宦。

白應乾。山東博興人。舉人。萬歷十一年之州任。留心時務。親編徭役。築環城短牆。以資守禦。祀名宦。

張元慶。浙江山陰人。舉人。萬歷十四年之州任。有異政。夜宿古冶寺。女鬼韓氏。訴奸僧妙存淫殺狀。詰朝捕治。一訊而服。置僧於法。嘗預識河決。令民蓄土。未幾水至。囊土以塞城門。得不浸者三版。是歲饑。煮粥以賑。全活萬人。祀名宦。

劉從仁。山西解州人。由貢生。萬歷二十一年之州任。威惠並施。庭無留訟。繕城

濬濠修學宮造祭器不踰年百廢俱興稱循政焉祀名宦

張堯輔陝西宜川人舉人萬歷二十三年之州任性耿直愛民如子以讎誣去公論惜之撰去思碑祀名宦

何士瑋甘肅隴西人舉人萬歷二十九年之州任廉明慈愛深得民心多積儲以備荒歉倉穀為盈陞保甯府同知歷官副憲祀名宦

孫慈湖廣蘄水人舉人萬歷三十四年之州任裁冗費革浮役墾荒田抑強暴去後民思立祠撰碑祀名宦

林養棟廣東番禺人進士萬歷三十六年之州任不畏強暴遭流謗去轉任工部博雅善詩文精隸楷今偏涼虛閣仍存遺蹟祀名宦

李喬嶽陝西南鄭人舉人萬歷三十八年之州任真心實政始終如一陞河間府同知民思不忘祀名宦

周宇四川成都人進士萬歷四十二年之州任賑饑捕盜續修濬志吏治稱最

濬縣志卷十 人物宦績

祀名宦

林應聚福建漳州人進士萬歷四十七年之州任清練有為中忤調去

楊燦貴州銅仁人由舉人崇正元年之州任四年正月清兵克永平城守都司李際春以城降士民驚竄首領及教佐俱逃燦韡刀以待事急自刎死詔予贈

廕祀專祠並祀名宦舊志嘉興張萬壽為州同知終懼國難昆明施堯中官學正以國難罷歸俱未詳所以惟萬壽子天植順治己丑進士及第官

馮如京字紫乙山西太原鎮武衛人舊志作代州恩貢生崇正十一年之州任清介

有惠政常革老人應驛之苦立法攢槽民賴之祀名宦府志順治元年由本府同知擢用知府彈壓變

亂招集流亡革除明季陋規以撫瘡痍申請創立寓學以恤遠士六屬欽服尋陞榆林道副使歷任廣東江南左右布政按蔚州魏環溪秋水先生傳云公諱如京字修隱號秋水或滄桑後自改其字又號秋水也

楊雄字永和山東沂水人通書算精吏學於正統十二年任州同知廉而有為修城浚濠多所擘畫州人懷焉祀名宦

商良臣。浙江淳安人。由監生。於宏治十五年任州判官。催徵不擾。監修學舍有功。士民賴之。

陸府。江南興化人。由監生。於嘉靖九年任州同。有政聲。考最居上第。未幾乞休去。民思之。刻像於石。祀名宦。

蘇朮。廣西陽朔人。由進士。嘉靖十六年。任州判官。英敏篤學。善篆隸。嗜古籍。陞縣令。擢四川道監察御史。旋謫本州添注判官。恤癘剔暴。百廢聿興。政暇即召生徒講學。居三年。陞南京兵部主事。仕至紹興府知府。祀名宦。

徐一貢。江南甯國人。由吏員。萬曆二十七年。任州吏目。精敏有才。後陞東川府照磨。祀名宦。

方經。字世才。黃陂人。舉人。天順三年。任州學訓導。知識英敏。勤學善誨。喜吟詠。一時士習。爲之不振。在任六年。乞歸。士子慕焉。祀名宦。

吳棋。字貴德。江西豐城人。舉人。宏治六年。任州學正。篤學善誘。文風日懋。戊午

灤

縣

志

卷十

人物 宦績

五

科。典南畿文衡。壬戌登進士。歷官僉都御史。祀名宦。

夏廷芝。字鍾秀。山東章邱人。篤孝行。以親老就教職。由經魁。宏治十六年。任州學正。學有實踐。足以式多士。能詩。正德丁卯。典福建文衡。官至按察僉事。竟以父沒不起。士論重之。

清

鄭伸。字行臺。奉天錦州人。順治二年之州任。推誠待物。一介不取。奉部檄圈田。力護近城園舍。陞大同僉事。祀名宦。

王光晉。字康侯。奉天遼陽人。貢生。順治五年之州任。聰察明敏。決獄無冤。凡票檄。限以時日。過期者懲之。吏胥憚若神明。以卓異擢蘇州知府。

石鯨。字浪秋。一字橫海。湖廣武陵人。順治戊戌進士。十六年之州任。十八年以榜責投充人。奪官去。鯨性奇偉。能詩。在任時。嘗條陳灤州賦役疾苦。上觀察使度支尙書。允而未行。著有鷹來堂詩鈔。

李漑之。山東長山人。由廕生。康熙六年之州任。鞠盜得實。因投不忌器。竟坐誣去。民懷之。立碑記德。

孫宗元。字近厚。山東淄川人。進士。康熙十年。以同知降補來任。廉靜有爲。留心撫字。虛公禮士。吏民畏服。有古良吏風。陞廣西思恩府同知。

馬如龍。字見五。陝西綏德州人。由舉人。康熙十六年之州任。英俊有爲。聽訟虛公。案無留牘。積弊胥除。尤培養人材。振興士習。廢墜畢舉。士民德之。歷官江南巡撫。

韓逢庥。字悅宜。山東青城人。由貢生。康熙三十七年之州任。廉明正直。愛民如子。灤俗抗糧健訟。爲藏盜藪。逢庥徵比。不許旗豪劣衿包攬。賞完罰欠。衆心悅服。詞訟不經差役。據理立剖。刁風頓改。又訪拏旗棍窩詐等事。雷厲風行。年餘盜息民安。境內大治。未幾調定州牧。士民遮道泣送。立碑記德。

張勿執。山東萊州府昌邑人。歲貢。康熙三十九年之州任。性方正廉潔。在任十

灤

縣

志

卷十

人物 宦績

六

年。興利除弊。以慈惠爲治。畿輔循良。一時無出其右者。四十八年夏六月。海濱蝗起。勿執趨至。率夫役捕之。時方炎熱。不乘車。不張蓋。徒步阡隴間。嚴督夫役。冒暑指揮。凡歷五晝夜。蝗盡。而勿執暴卒。蓋逐日不遑飲食。已中酷暑。海濱復乏醫。致不救也。民無婦孺老弱。千百爲羣。哭奠之。如喪慈父母。土人爲塑像於東玉坨莊。天齊廟之西隅。歲時祀之。凡有所禱。靈應如響。後六十餘年。甲午夏。忽飛蝗蔽天。禾稼勢將席捲。民窮促。赴廟號禱。蝗竟去。遺蛭隨萌。旋有鳥羣飛啄食之。蛙亦以億萬計。跳躑溝隴。食蛭遂盡。年仍大有。乾隆三十九年。會稽姚文魁爲撰碑。光緒十五年。從祀名宦。

吳肇煌。江南武進籍。長洲人。由南河保舉。康熙五十四年調灤州。仁明慈惠。教養兼施。歷官七載。囊橐蕭然。己亥兼署樂亭。值大水。倉穀霉變。肇煌不忍累民。卒以虧短去官。越九十餘年。公會孫士鴻。復刺灤州。

盧見曾。字抱孫。號雅雨。山東德州人。康熙癸丑進士。工詩文。性度高廓。不事細

節。乾隆九年之州任。留心利弊。革浮役。禁侵漁。吏民敬畏。擢守永平後。司巖長蘆。再調揚州。以年老罷歸。

顧學潮。字小韓。江南元和人。副貢生。乾隆二十九年之州任。廉明慈愛。實政惠民。於佃認圈地民戶。尤加意體恤。擢永平知府。

莫謩。字次典。號乳泉。廣東定安人。乾隆庚辰舉人。嘉慶五年。由靜海令之州任。性剛介。不畏權勢。凡訟牒。必令面投。每預坐堂皇。以待隨收。隨訊。明察秋毫。民不能欺。奸宄斂迹。吏胥尤憚之。由是訟獄衰息。嘗捐廉俸。葺學宮。創建忠義節孝兩祠。增修書院。並置書籍。延師訓課。尤以培養士類為急務。他如建橋梁。築隄堰。賑荒歉。掩骼骸。善政不可枚舉。丙寅二月卒於官。士民列其善政。請祀名宦。奉部駁詰。惜未繼請焉。

吳士鴻。字庚亭。前牧肇煌曾孫也。嘉慶十一年。由大城令之州任。甫入境。卽訪求先人舊政。有昔日兒童今父老。斯時刺史舊公孫之句。傳為佳話。士鴻才敏。

灤

縣

志

卷十

人物 宦績

七

練達。斷獄無留滯。戊辰秋。河溢為請賑減租。大甦民困。庚午夏。勸諭鄉民。修築汀流河。閭芬溝。兩處隄堰。是年水果無害。置義田十畝於城北。以安旅櫬。尤留意人材。雕繪抑揚。董勸兼至。以海陽書院向無經費。乃捐廉俸。延師主講。每季課。必厚獎。以助膏火。又纂州志。修文廟。修神祠。凡關利弊。興之剔之。不遺餘力。後罷官。以疾卒。眷屬不能歸。士民為之籲請。上官贊助之。始以櫬歸葬。

汪洞。字柳汀。浙江秀水人。由子牙河通判。調任灤州。素稱才吏。幹練有為。在直歷署各州縣。所至有聲。下車後。觀風問俗。優禮師儒。時前任刺史。纂修州志未竣。洞慨然捐俸。以終其事。僉謂兩刺史。後先媲美云。

顏樾。字鐵如。廣東連平舉人。直隸制軍檢之弟也。嘉慶二十二年之州任。敏果有為。頌聲載道。書法遒健。得魯公家法。灤人至今寶之。

黃克昌。江蘇武進人。以吏起家。嘉慶二十五年之州任。精明幹練。案無留牘。巖山之巔。舊有塔。前牧毀之。曰。是虎而角也。奈何實逼處此。迨克昌蒞任。訪求遺



蹟。集父老謀之曰。塔名文峯。主一邑科第。去之則不祥。捐俸募修。人皆樂赴。不數月告成。至今見塔猶思遺愛焉。

喜祿。字怡山。江甯駐防滿洲正黃旗人。壬午科進士。由撫甯令擢灤州。道光十四年之任。值年豐。四境安謐。惟俗習健訟。每觴豆齟齬。輒赴訴公庭。互爭勝負。而吏役實左右之以漁利。因喟然曰。此風不戢。小民之脂膏盡矣。乃駁斥不理。尤惡旗棍。訟必痛懲之。無敢倖嘗者。西部人張剛。開山採煤。傭作日以千計。與屈某不相能。屈古冶人。固虎而冠者。凡採煤必先啖以重利。始免掣肘。使人風示剛。剛若弗聞也者。屈銜之。知訟剛於州必敗。乃走京師。控剛謀逆。開爐造軍器。聚黨已一二千人。姓名均有籍。御史汪于泗以聞。上怒。謂畿輔重地。竟屢姦宄。長吏何曠職。命霸昌直指使嚴密查辦。得實。則大兵繼之。務期迅速殄滅。勿糜爛平民。直指馳驛兼程至灤。祿謁於行館。直指出示中旨。祿愕然曰。此必不實。倘有之。早成擒矣。奚敢厯聖慮乎。遂不動聲色。調集兵役百名。夤夜隨直指

灤

縣

志

卷十

人物 宦績

八

往捕。至剛家。兵役將擁塞入。祿止之。自引直指。並親丁數人。檢查內外。婦女皆驚起。罔知所措。公曰。勿畏。且有後命。檢其家所有者。皆農器。及男女服飾而已。遂止。鄰里概無牽擾。天甫明。率兵役趨赴煤廠。剛在焉。方督鑪冶。丁丁錘擊。視之。皆採煤所用之鈎錘也。檢其籍。則工作逐日支領簿也。詢其人數。果有千。皆客作也。祿奉直指。略詢梗概。揮去之。攜剛以歸。剛泥首於前。涕泣乞救。祿曰。此欽案。汝但往以實訴。則生矣。乃械剛付直指。解入京師。奉旨交部審勘。訊無實據。坐屈某誣告棄市。後有石華者。賭匪也。在關外開設花會。巧取民財。以椎埋武斷。中傷要津。喉所識者。附之奏牘。上復命霸昌直指使。至灤查拏。華適在籍。祿往擒之。並其妻子。付直指覆命。結案後。華擬長流。妻子省釋。兩案事起微細。而禍幾燎原。卒賴以從容鎮定。全護者不少。秩滿。陞永定河南岸同知。父老。飲餞羅拜者塞於途。車阻不得行。多有痛哭流涕者。祿亦泣下。不忍。愬置而去。謝子澄。字雲航。四川新都人。乙未科舉人。咸豐元年。由盧龍改署灤州。時鄜州

高公午。方守永平。老吏也。嘗稱直隸讞局。鮮能斷獄者。惟謝某與淡令。名春輝。後任樂

縣為巨擘耳。時灤適承焦牧任後。案牘蝟集。陳陳相因。幾無著手處。子澄次第理之。且決且判。不數月。豁然廓清。旋調補天津縣。值髮逆北犯。直窺京師。子澄糾合義勇。截勦之。以數百人當數千之衆。連戰皆捷。師無繼者。尋受重創。投河死。事聞。特旨加布政使銜。予謚建祠。灤人聞其死難。紳商士庶。不期而會者千餘人。俱哭奠於西教場。並為文祭之。

游智開。字子代。號藏園。湖南寶慶府新化縣人。宋儒定夫裔也。由咸豐辛亥科舉人。檢發知縣。陞補灤州。同治十年到任。甫下車。即詣書院。訪士問風俗。時方修書院。工未半。以經費絀。將止焉。智開延富紳與謀。捐金為倡。遂得成事。又增設季課。今書院有碑紀其德。灤邑訟繁。智開日坐堂皇。風雨寒暑。判鞠無間。故例兩造息訟。息狀不得逕達。必由吏役關說。滿所欲而後入。智開為釐剔。民間稱便。不一年。擢永平守。多所修建。民不病擾。永屬賭風最熾。智開嚴治之。自是

灤縣志卷十 人物 宣績

賭徒聞智開名而股慄。或相率徙業。陞永定河道。以宣防叙功。擢四川按察使。署布政使。護總督。調廣東布政使。署巡撫。旋引疾歸。光緒二十年。復起為廣西布政使。祀名宦。

朱靖旬。字敏齋。河南安陽人。咸豐己未進士。補清苑令。同治十二年。署灤州任。杜絕苞苴。嚴束吏役。明敏善聽斷。日恆數十訖。至夜分無倦容。尤嚴於捕盜。自成豐初軍興以來。東三省奉調征兵。過境無虛歲。供用皆資民力。吏胥浮派。地甲中飽。加至數十倍不止。以致閭閻彫敝。樂歲鮮飽。當游牧任時。薦紳為言之。即蒙核減。力役始有定數。然未之均也。及靖旬履任。乃合詞籲請。出示均派。差徭著為定章。靖旬曰。官取一吏役。取二民。非四不能應一差。是虎食人。而狐又倍之。惡在其為民父母也。聽每社各自立碑。每過兵百名。應輸折差銀若干。多寡以此為式。遞增遞減。吏役浮索者。並準指名控訴。民歡抃如出水火。而置衽席焉。咸致匾繖。以抒感戴。靖旬悉揮卻之。曰。吾所為分也。何異焉。且干例禁。榮

我者適以辱我。願與諸君守法。民乃不敢請。旋調深州。陞保定知府。光緒二十一年。陞湖南按察使。調直隸按察使。署布政使。卒於任所。郭奇中。字少亭。皖之合肥人。以軍功得縣令。擢知州。光緒二年之任。勤於聽斷。不數月。盡悉境內風俗。近村遠鄙。賢不肖。多能舉其名。接禮士大夫。曲盡情致。整頓倉廩。實積穀。修留養局。以栖流亡。設牛痘局。以惠孩稚。各籌有永遠經費。至今賴之。三年。值旱災。四年。荒歉。均開倉出義穀。煮粥以賑。不足則請款。或捐廉勸助以濟。未幾。調署天津縣。九年。再任灤。值河溢。大水入城。人情洶洶。奇中撤屋木爲筏。出救溺者。全活無算。勘災後。詳請賑濟。捐租。十二年。大水。河再溢。奇中以拯救爲己任。撫之如前。奇中前後任灤數年。屢遇荒歉。三遭水患。以一身支撐旋斡於其間。使民困胥蘇。仍事無廢墜。先是十二年水落後。城門頽圯。文廟坍塌。正值嗽鴻遍野。救死不贍。而兩工又事之不容緩者。因請撥款。以工代賑。同時舉辦。故事修而民亦賴焉。後陞知府。署順德守。以年老乞病歸。

灤

縣

志

卷十

人物 宦績

韓耀光。字仲強。山西洪洞人。甲戌進士。由靜海令。於光緒六年之州任。文雅長厚。博通經史。尤精於說文之學。政暇。以蒐繹古籍自適。課士得佳卷。喜不釋手。其不善者。必爲點竄改易。傳誦者無不折服。時書院規模粗具。惟出入經費。並一切章程。經董事擬請。案牘積尺許。耀光一一披閱。核其出入。年有銷算。事無廢墜。抵隙塞竇。使弊無所出。各章程刊爲一冊。並勒碣以垂久遠。復捐書六十。六函。庀之書院。以備多士觀覽。光緒八年。調任蔚州。丁母憂。解組歸。士林頌之。楊文鼎。字俊卿。雲南蒙自人。己卯科舉人。光緒二十一年。蒞灤州任。勤政愛民。案無留牘。嘗以詩寄邑紳劉賓南。有句云。政無他術惟防擾。獄到能平尙慮疏。可想見其政簡刑清之致。下車伊始。觀風問俗。尤以培植人才爲先務。尙實學。祛虛僞。所拔多寒畯士。灤志自清嘉慶庚午。吳牧士鴻續修後。已百餘年。公履任之次年。卽延聘城紳王大本。吳寶善等。開局纂修。我灤文獻。得賴以不墜者。皆公之力也。閱二年書成。而公亦升任慶陽府知府以去。所至政聲卓著。後仕

至湖南巡撫。

張文欽字君明浙江山陰人順治三年任州吏目潔己奉公不擾市肆矜恤罪囚八載遷去紳民泣送至日夕馬不得行張飲數十里外信宿始克就道從來掾尉所未見者。

黃珽字乙舟安徽桐城人援例入太學三試北闈選充四庫館臚錄考滿授縣丞借補吏目嘉慶三年由磁州來任撫恤獄囚如家人子弟興修文廟文昌魁星諸閣性耽吟詠著有三州詩集。

張國猷密雲人由貢生順治十六年任州訓導性軒爽喜吟詩工篆隸行草書值廟學頽圯捐俸募修始建戟門葺聖殿及明倫堂殫竭心力已度支告匱旋以裁缺改補清河餘工未暨深以爲憂繼任學正王麟圖至時康熙四年也麟圖保定人性謙和急公慕義見國猷所修殿宇峻整堅麗僅餘兩廡魁樓啟聖祠力未暇及乃身任之稽其簿見士紳前已列捐不忍重累爰出私囊濟工竣

灤

縣

志

卷十

人物 宦績

一一

後寄書報國猷歸功前任士民兩賢之。

麟圖今祀名宦。

黃步青字歷九奉天甯海人由廩貢生考授盛京宗室學教習考滿以知縣用嘉慶十三年借補州學訓導性豪邁議論慷慨值生童科試一切執贄概不較量有寒儉者復矜恤之不逾年士林翕服乃倡議修文廟魁星樓巖宮內外煥然一新課士之暇以詩酒自娛嘗題楹聯云冷署當春暖閒官對酒忙。

左喬林號瀛南河間府人由進士道光十四年借補州學正性和厚謹飭才藻雋逸工詩文善書畫筆法奇崛一時執贄請業者學舍幾滿二十一年以憂去官服闋後任保定府教授。

冀秉忠山西人順天密雲衛籍由行伍於嘉慶元年從軍川陝征勦教匪前後百七十餘戰斬馘無算生擒賊首數名徧體鱗傷以功擢陞千總八年來任城守嚴戢卒伍訓練有方後陞守備。

(三)仕績

編者按古稱立德立功立言為三不朽自元魏以迄明清我灤薦紳先生教澤所及遺愛在民堪作羣倫之表率者實不乏人故國家每隆之以祀典俎豆馨香歷朝罔替以其維繫人心者至大且重也降及末世紀綱廢墜既無崇德報功之舉更無明禋從祀之文宜紹前徽規復舊典夫既名之曰鄉賢稱之曰先哲其人其德亦豈偶然實有歷千秋萬禩而不能磨滅者固不僅功業爛然彪炳後世為我鄉黨光也

北魏

竇瑗字世珍陽樂人自言本扶風平陵人漢大將軍竇武之曾孫崇為遼西太守子孫遂家焉瑗年十七便荷帙從師游學十載始為御史轉奉朝請兼太常博士為爾朱榮所知表為北道大行臺左丞以功賜爵陽洛男

縣彭沛二郡有洛陽縣而無陽洛之名郡志稱係陽樂之誤

按魏書地形志遼西郡有陽樂除員外散騎常侍改新昌男因從榮東討葛榮事

灤

縣

志

卷十

人物 官績

平封容城縣伯除征虜將軍通直散騎常侍仍左丞瑗乞以容城伯讓兄叔珍詔聽以新昌男轉授之叔珍由是位至太山太守爾朱世隆廢莊帝立長廣王瑗為宣奏由是除征南將軍金紫光祿大夫歷官廷尉卿鎮東將軍尋除廣宗太守治有清白之稱轉中山太守加征東將軍為吏民所懷及齊獻武王班書州郡誠約牧守令長稱瑗政績以為勸勵焉後授平州刺史其政一如治郡時又為齊獻武王丞相府右長史瑗無軍府斷割之才不甚稱職又行晉州事既還京師上表論麟趾新制除大宗正卿尋加衛將軍宗室輕之瑗案法推治無所顧避甚見讐疾官雖通顯貧窘如初清尚之操為時所重領本州大中正兼廷尉卿卒於官贈本將軍太僕卿濟州刺史諡曰明

後周

段永字永賓石城人幽州刺史匹磾後也永幼有志操魏正光末六鎮擾亂遂攜老幼避地中山後赴洛陽拜殿中將軍稍遷平東將軍封沃陽縣伯青州崔

社客舉兵反。永討平之。進爵爲侯。除左光祿大夫。時有賊魁元伯生。率數百騎。西自嶠潼。東至鞏洛。屠陷塢壁。所在爲患。魏孝武遣京畿大都督匹婁昭討之。昭請以五千人行。永進曰。此賊旣無城柵。惟以寇抄爲資。安則蟻聚。窮則鳥散。取之在速。不在衆也。若星馳電發。出其不虞。精騎五百。自足平殄。若徵兵而後往。彼必遠竄。雖衆無所用之。帝然其計。命永代昭。以五百騎討之。永覘知所在。倍道兼進。遂破平之。帝西遷。永時不及從。大統初。乃結宗人。潛謀歸欵。密與都督趙業等。襲斬西中郎將慕容顯和。傳首京師。以功別封昌平縣子。除北徐州刺史。從擒竇泰。復宏農。破沙苑。並有戰功。進爵爲公。河橋之役。永力戰先登。授南汾州刺史。累遷大都督。車騎大將軍。儀同三司。散騎常侍。驃騎大將軍。開府儀同三司。賜姓爾緜氏。魏廢帝元年。授恆州刺史。於時朝貴多其部人。謁永之日。冠蓋盈路。當時榮之。孝閔帝踐祚。進爵廣城郡公。轉文州刺史。入爲工部中大夫。遷軍司馬。保定四年。拜大將軍。永歷任內外。所在有聲。輕財好士。朝野以

灤

縣

志

卷十

人物仕績

一一一

此重焉。天和四年。授小司寇。尋爲右二軍總管。率兵北道。講武遇疾。卒於賀葛城。年六十八。喪還。高祖親臨。贈使持節柱國大將軍。同華等五州刺史。諡曰。基金。

王信。字思立。州人。鄉試薦不第。天會三年。以戶紀從元帥。屢戰有功。皇統五年。授信武將軍。累授振威。宣威。廣威。鎮國上將軍。開國侯。大定十三年。以疾卒。孟浩。字浩然。州人。遼末登進士。天會三年。爲樞密院令史。除平州觀察判官。天眷初。選入元帥府。備任使。除歸德少尹。充行臺吏。禮部郎中。入爲戶部員外郎。郎中。韓企先爲相。拔擢一時賢能。皆置機要。浩與田穀。皆在尙書省。穀爲吏部侍郎。浩爲左司員外郎。旣典選。善銓量人物。分別賢否。所引用皆君子。而蔡松年。曹望之。許霖。皆小人。求與穀相結。穀薄其爲人。拒之。松年初事宗弼於行臺省。以微巧得宗弼意。宗弼當國。引爲刑部員外郎。望之爲尙書省都事。霖爲省令史。皆怨穀等。毀之於宗弼。凡與穀善者。皆指爲朋黨。企先薨。穀出爲橫海軍

節度使。選人龔夷鑒。除名。值赦。赴吏部銓。得預覃恩。穀已除橫海。部吏以夷鑒白穀。穀乃倒用。月日署之。許霖在省。典覃恩。行臺省工部員外郎。張子周。素與穀有怨。以事至京師。微知夷鑒覃恩事。嗾許霖發之。詆以專擅朝政。詔獄鞠之。擬穀與奚毅。邢具瞻。王植。高鳳庭。王儼。趙益興。龔夷鑒死。其妻子及所往來孟浩等三十四人。皆徙海上。仍不以赦原。天下冤之。世宗在熙宗時。知田穀黨事。皆松年構成之。而浩等三十二人。遇天德赦。令還鄉里。多物故。惟浩與穀兄穀。王補。馮煦。王中安。在大定二年。召見。復官爵。浩爲侍御史。穀爲大理丞。補爲工部員外郎。煦爲兵部主事。中安知火山軍事。而浩尋復爲右司員外郎。浩篤實。遇事輒言。無所隱。上嘉其忠。每對大臣稱之。有疾。求外補。除祁州刺史。致仕歸。七年起爲御史中丞。而浩已年老。世宗以不次用之。再閱月。拜參知政事。故事。無自中丞拜執政者。浩辭曰。不次之恩。非臣所敢當。上曰。國家用人。豈拘階次。卿公正忠勤。雖年高。猶可宣力數年。朕思之久矣。浩頓首謝。世宗勅有司。東宮

灤

縣

志

卷十

人物仕績

一四

涼樓。增建殿位。浩諫曰。皇太子。義兼臣子。若所居與至尊宮室相伴。恐制度未宜。固宜示以儉德。上曰善。遂罷其役。因謂太子曰。朕思漢文崇儉。心常慕之。汝亦可以爲則也。未幾。上宴羣臣於東宮。顧謂羣臣曰。參政孟浩。公正敢言。自中丞爲執政。卿等能如是。朕亦不次用之。上謂宰臣曰。宋前廢帝。呼其叔湘東王爲豬王。食之以牢。納之泥中。以爲戲笑。書於史策。所以勸善而懲惡也。海陵以近習掌記注。記注不明。當時行事。實錄不載。衆人共知之者。求訪書之。浩對曰。良史直筆。君舉必書。帝王不自觀史。記注之臣。乃得盡其直筆。復奏曰。歷古以來。不明賞罰。而能治者。未之聞也。國家賞善罰惡。蓋亦多矣。而天下莫能知。乞自今。凡賞功罰罪。皆具事狀。頒告之。使君子知勸。以遷善。小人知懼。以自警。從之。進尚書右丞。兼太子少傅。爲真定尹。上曰。卿雖年老。精神不衰。善治軍事。毋遽言退。以通犀帶賜之。十三年薨。祀鄉賢。

張謹言。幼名元奴。義豐人。穀

金史作覺

之子也。宗望攻下平州。謹言尙在襁褓。里人

劉承宣得之。養於家。其鄰韓夫人甚愛之。年數歲。隨韓夫人得見貞懿皇后。留之藩邸。稍長。侍世宗讀書。遂使謹言主家事。繩檢部曲。一府憚之。世宗留守東京。海陵用兵江淮。將士往往亡歸。詣東京。願推戴世宗爲天子。謹言勸進。世宗卽位。除內藏庫副使。權發遣官籍監事。海陵死揚州。謹言與禮部尙書烏居仁。殿前左衛將軍阿古岱。御院通進劉琬。發遣六宮百司。圖書府藏在南京者。還以本職提控尙食局。轉少府監丞。仍主內藏。謹言饒心計。世宗倚任之。凡宮室營造。府庫出納。行幸頓舍。皆委之。世宗嘗曰。一經謹言。無不愜朕意者。六年。提舉修內役事。役夫掘地得金匿之。事覺。法當死。謹言責取其物與官。釋其罪。尋兼祇應司。遷少府監。提控宮籍監。祇應司如故。護作太寧宮。引宮左流泉溉田。歲穫稻萬斛。十七年。復提點內藏。典領昭德皇后山陵。遷勸農使。諸職如故。謹言雖舊臣。出入左右。然世宗終不假以權任。嘗欲以爲橫海軍節度使。而不可去左右。遂止。及得疾。猶扶杖視事。病亟。詔太醫診視。近侍問訊相屬。及卒。上深

灤

縣

志

卷十

人物仕績

一五

惜之。遣官致祭。賻銀五百兩。重綵十端。絹二百疋。棺槨衣衾銀汞斂物葬地。皆官給。贈輔國上將軍。

李元璋。字寶臣。馬城人。少穎悟。每數千言。一覽成誦。未弱冠。登正隆元年律科上第。任西北路招討知法。有能名。陞左三品。校法。歷石城簿。豐潤丞。夏津令。秦和間。訪山東吏治賢能。舉璋爲第一。章宗特旨宣問。璋奏正綱紀。近忠直。遠邪佞。數事。上嘉納之。擢吏部尙書。官至少中大夫。上護軍府。隴西郡開國侯。食邑二千戶。實封百戶。賜紫金魚袋。璋事父母甚謹。公餘拱立父側。命退乃退。溫清觀省。曲盡其禮。鄉邦稱之。兄元道。詞賦進士。仕至節度判官。祀鄉賢。舊志云。四子鎮。監酒。邦秀。忠顯。校尉。邦彥。平州觀察推官。邦獻。以文字科出身。授元平灤路副都總管。孫緯。警使。纓千戶。綱。惠州同知。經。元帥府鎮撫。繪。敦武校尉。

元

張晉。橫渠五世孫。歷官睢州防禦使。太宗六年。賜第於燕。併食邑於灤。見灤北有橫山。追思其祖。榜曰橫雲清逸。築橫渠書院於城東南隅。弟智。爲王府參謀。



祀鄉賢。

張德晉之孫也。太宗時。食邑於灤。學有淵源。文詞精粹。登皇慶中進士。請就祿奉祀。因授本州學正。歷官大寧路儒學教授。祀鄉賢。

明

王翱。字九皋。鹽山人。本籍灤州。永樂十三年。初會試。貢於行在。帝時欲定都北京。思得北土用之。翱兩試皆上第。大喜。特詔賜食。改庶吉士。授大理寺左寺正。左遷行人。宣德元年。以楊士奇薦。擢御史。時官吏有罪。不問重輕。許運輒還職。翱請犯贓吏。但許贖罪。不得復官。以懲貪贖。帝從之。五年。巡按四川。松潘蠻竊發。都督陳懷。駐成都。相去八百餘里。不能制。翱上便宜五事。請移懷松潘。而松潘軍糧。於農隙齊力起運。護以官軍。毋專累百姓。致被劫掠。吏不給。由爲民蠹。令自首勿隱。州縣土司。徧設社學。會川銀場。歲運米八千餘石給軍。往返勞費。請令有罪者。納粟自贖。詔所司詳議運糧事。而遷蠹吏北京。餘悉允行。英宗卽

灤

縣

志

卷十

人物仕績

一六

位。廷議遣文武大臣出鎮守。擢翱右僉都御史。偕都督武興鎮江西。懲貪抑奸。吏民畏愛。正統二年。召還院。四年。處州賊流劫廣信。命翱往捕。盡俘以還。是年冬。松潘都指揮趙諒。誘執國師商巴。掠其財。與同官趙得。誣以叛。其弟小商巴。怒。聚衆剽掠。命翱及都督李安。軍二萬征之。而巡按御史白其枉。詔審機進止。翱至。出商巴於獄。遣人招其弟。撫定餘黨。而劾誅諒。戊得復商巴國師。松潘遂平。六年。代陳鑑鎮陝西。軍民之借糧不能償者。覈免之。七年冬。提督遼東軍務。翱以軍令久弛。寇至。將士不力戰。因諸將廷謁。責以失律罪。命左右曳出斬之。皆惶恐叩頭。願效死贖。翱乃躬行邊。起山海關。抵開原。繕城垣。濬溝塹。五里爲堡。十里爲屯。使烽燧相接。練將士。室饑寡。軍民大悅。又以邊塞孤遠。軍餉匱。緣俗立法令。有罪得收贖。十餘年間。得穀及牛羊數十萬。邊用以饒。八年。以九載滿。進右副都御史。指揮孫璟。鞭殺戍卒。其妻女哭之亦死。他卒訴璟。殺一家三人。翱曰。卒死法。妻死夫。女死父。非殺也。命翱償其家葬費。璟感激。後參將遼東。

追敵三百里。事李秉爲名將。十二年。與總兵曹義等出塞。擊兀良哈。擒斬百餘人。獲畜產四千六百。進右都御史。十四年。諸將破敵廣平山。進左都御史。脫脫不花大舉犯廣寧。翱方閱兵。寇猝至。衆潰。翱入城自保。或謂城不可守。翱手劍曰。敢言棄城者斬。寇退。坐停俸半載。景泰三年。召還掌院事。易儲加太子太保。潯梧獠亂。總兵董興武毅。推委不任事。于謙請以翁信陳旺易之。而特遣一大臣督軍務。乃以命翱。兩廣有總督。自翱始。翱至鎮。將吏讐服。推誠撫諭。獠人向化。部內無事。明年召入爲吏部尙書。初何文淵協王直掌銓多私。爲言官攻去。翱代。一循成憲。天順改元。直致仕。翱始專部事。石亨欲去翱。翱乞休。已得請。李賢力爭乃留。及賢爲亨所逐。亦以翱言留。兩人相得歡甚。帝每用人必咨賢。賢以推翱。以是翱得行其志。帝眷翱厚。時召對便殿。稱先生不名。而翱年幾八十。多忘。嘗令郎談論隨之。帝問故。翱頓首曰。臣老矣。所聆聖諭。恐遺悞。令此郎代識之。其人誠謹可信也。帝喜。吏部主事曹恂已遷江西參議。遇疾還。翱以聞。命

灤

縣

志

卷十

人物仕績

一七

以主事回籍。恂怒。伺翱入朝。捫其面。大聲詬詈。事聞。下詔獄。翱具言恂實病。得斥歸。時服其量。五年加太子少保。成化元年。進太子太保。雨雪免朝參。屢疏乞歸。輒慰留。數遣醫視疾。三年疾甚。乃許致任。未出都卒。年八十有四。贈太保。諡忠肅。翱在銓部。謝絕請謁。公餘恆宿直廬。非歲時朔望謁先祠。未嘗私歸第。每引選。或值召對。侍郎代選。歸雖暮必至署。閱所選。惟恐有不當也。論薦不使人知。曰。吏部豈快恩怨地也。自奉儉素。景帝知其貧。爲治第鹽山。孫以廕入太學。不使應舉。曰。勿妨寒士路。婿賈傑。官近畿。翱夫人數迎女。傑恚曰。若翁典銓。移我官京師。反手爾。何往來不憚煩也。夫人聞之。乘間請翱。翱怒。推案擊夫人傷面。傑卒不得調。其自遼東還朝也。中官同事者重翱。瞞明珠數顆。翱固辭。其人曰。此先朝賜也。公得毋以贓卻我乎。不得已納而藏焉。中官死。召其從子還之。爲都御史時。夫人爲娶一妾。逾半歲語翱。翱怒曰。汝何破我家法。即日具金幣還之。妾終不嫁。曰。豈有大臣妾嫁他人者。翱卒。妾往奔喪。其子養之終

身。李賢常語人曰。皋陶言九德。王公有其五。亂而敬。擾而毅。簡而廉。剛而塞。強而義也。然性頗執。嘗有詔舉賢良方正。經明行修。及山林隱逸士。至者率下部試。翹黜落。百不取一二。性不喜南士。英宗嘗言。北人文雅。不及南人。顧質直雄偉。緩急當得力。翹由是益多引北人。晚年徇中官郭聰屬。爲都御史。李秉所劾。翹自引伏。蓋不無小損云。子孫世官。錦衣千戶。祀鄉賢。

劉永。字致遠。興慶屯人。性嚴毅剛正。初令辛縣。釐刈弊蠹。英聲上達。遷守泗州。勳戚豪右。畏其介直。不敢干以私。境內肅然。

閻鼎。字仲輔。景泰甲戌進士。授監察御史。巡按兩浙。鋤權橫。清鹽蕩。風紀甚嚴。人以閻羅目之。謫廣西平南主簿。陞山東諸城知縣。操履一致。卒於官。著有直庵集。祀鄉賢。

陳恕。字達道。景泰庚午舉人。仕至開封府同知。嘗於道中遇數人。騶從若貴游者。恕曰。此巨盜也。邏致之。果得其實。有神明稱。汴河屢決。請發帑羨。躬督築塞。保全腴田數百頃。考滿乞歸。送者塞路。行李蕭索。有司重其廉。有贈遺。卽市鐵鑄文廟祭器。居鄉謹厚。喜怒不形。恤癸贍孤。以純德稱。祀鄉賢。

齊章。字應璧。與伯兄文同領天順六年鄉薦。登成化二年進士。五年。文亦第甲科。官至戶部侍郎。人以二難稱之。章初授戶科給事中。歷擢太常卿。凡郊廟祀典。儀文節奏。亶極詳明。屢膺金幣之賜。其官諫垣時。累抗章陳政得失。忤旨下詔獄。人咸危之。章曰。君仁臣直。吾忍負聖明哉。竟從寬貸。聞者韙之。奉使册秦

晉二藩。禮成。餽遺一無所受。年五十八卒。賜祭葬如例。繼輔通志

謝綱。字廷憲。登成化壬辰進士。素以孝友稱。任上虞知縣。蒞政慈祥明決。有質者。一判兩服。卒於官。民皆望柩而哭。祀鄉賢。

郝隆。字景昌。自汴徙灤。登成化壬辰進士。初官大理評事。歷左司副。右司正。時江南有大獄。逮者及萬人。公奉命往勘。立決。擢金華知府。爲政寬平。積穀數萬石。備荒。通濟橋燬。修復之。在任九載。致仕歸。進階亞中大夫。祀鄉賢。

田增字大年梅相社人性聰敏剛直嗜學寒暑不倦以詩經中式尹鳳翔禁奸除暴六年告歸年八十卒祀鄉賢

高聰字潤之登成化戊戌進士性方嚴謙退篤孝友耽墳典試南宮不第進太學聞見閎肆及登第尹臨邑勤政廣積值歲大祲民多濟活暇卽試士請業門下者多登仕籍焉三載政成遂罹疾卒時囊僅數金幾不能斂祀鄉賢

余璘字廷潤永登屯人力學甘貧年六十一登第授行人陞南京員外郎卒於官祀鄉賢

馮清字士潔親喪廬墓三年手植松栢百餘株踰年繁茂里人異之登成化癸卯鄉薦爲邯縣令慈義兼施獄有冤囚力爲詳豁後持金馬以酬揮之不受曰滌爾冤者國恩也何謝爲時稱真孝廉

王用字尙賓性聰敏始令桃源以內艱歸後任西平令所在釐革冗費凡不便於民者力去之兩邑稱賢祀鄉賢

灤

縣

志

卷十

人物仕績

一九

高謙字天益登宏治癸丑進士性剛直不苟父早卒力本勤學事母不曠定省撫弟詳甚友愛初授丹陽令邑庠隘乃拓其崇殿廡講授經術又建津梁創倉舍議賑貸百度維新士人勒碑頌之陞青州同知轉刑部郎中陞平涼知府未幾調鞏昌逾月而卒祀鄉賢

許莊字德徵其先嘉定人徙州之興慶屯年十四試經策卽授廩餼守父制閉戶讀未見書凡天文地理陰陽戰陣律呂兵刑醫卜納甲之術咸究精討源登宏治癸丑進士宰臨汾寶鷄俱有政聲陞平陽府同知太監陳奎與巡鹽李鉞訐奏三司莫敢訊莊獨任之纂修孝宗實錄及三十二郡志特委編著擢山東僉事時遼東變又遣分巡遼海上安遼十四策陞陝西參議調山西糧儲以安邊四事上言武宗不報遂力乞休掃軌著述所著有康衢集一百卷梅花百詠一卷養心鑑一卷先天方輿圖說一卷三禮儀注四卷卒祀鄉賢

安民字修己宏治己酉舉人授兵部司務歷戶部郎中清慎練達眷用未衰引

疾乞休。賜四品服。晉階三級。初父和尹大同。卒於官。民尙幼。扶櫬還。事母周氏。曲盡懽愉。母卒。哀毀廬墓三年。與弟尙相友愛。巡撫汪公榜曰。友于之門。卒祀鄉賢。

王蕃。字邦憲。登宏治丙辰進士。由博士陞御史。立朝謇諤。不容人過。嘗劾逆瑾。暨陳晦等。宣勅切責。移疾歸里。晚年起守平涼。又以中忤罷歸。有雪崖詩集。祀鄉賢。畿輔人物考。蕃與任惠。交劾高鳳。革爲民。詔與惠同旌。起平涼太守。

高亮。天順初。由貢生知武鄉縣。常巡阡陌。課農桑。省民疾苦。道遇田婦餓。亮取視之。皆糠粃藜藿。流涕曰。民窮如此。牧民者之罪也。後入覲。民爭餽。一無所受。山西通志。

任惠。字濟民。登宏治丙辰進士。授行人。兩使周藩。考績有聲。遷南京吏科給事中。正德元年九月。偕同官諫佚遊。語切直。以彈劾太監高鳳。革爲民。後起山東僉事。未任卒。世廟登極。詔旌爲忠直。諫諍。祀鄉賢。

灤縣志 卷十 人物仕績

王輔。字良佐。登宏治己未進士。授行人。兩使封藩。陞南京監察御史。遷河南副使。時逆瑾向所司索天鵝絨布千疋。無則折價。各府斂解八萬兩。輔曰。此民膏血。我甘鼎鑊。不可從。發回給民。瑾因假會審鄧丙事。謫輔陽城縣知縣。遷戶部主事。歷員外郎中。復陞河南副使。以疾乞歸。鄉人稱爲長者。祀鄉賢。

吳吉。字從慶。在城社人。思文孫。性純厚。年十三舉於鄉。七上春官不第。五十三始登進士。除陝西西安府推官。終南京戶部主事。年八十四卒。祀鄉賢。明一統志。載吳及灤州人。正德三年進士。歟。歷中外。以廉方著。吉訛爲及。

王庚。字文祥。登嘉靖癸未進士。天資純篤。寡言笑。邃於易。後進多出其門。三爲縣令。有廉聲。歷遷兵科都給事中。慷慨敢言。陞山西參政。按察使。陝西右布政。卒於官。祀鄉賢。

高擢。字士元。登嘉靖己丑進士。由博士陞禮科給事中。建言侃侃。臺閣生風。歷副都御史。奉命提督操江。苞苴絕迹。晚築別墅於偏涼汀。歸隱。卒祀鄉賢。

鄭卿字省吾嘉靖甲午科舉人筮仕河南府判懸魚酌水衙齋閑寂與名彥彈琴賦詩而已抗疏歸里力辭徵聘所著有省吾詩文集藏於家祀鄉賢

王鎬字宗周嘉靖元年舉於鄉時嚴嵩爲司業欲收之門下不可得嘉靖己丑登進士授大理評事廷尉雅重之疑獄必屬焉擢御史首言追崇之禮出聖孝議禮諸臣不過將順而已何敢貪天功以徼榮自私當時中外臣僚羣起攻之未必無所見何至廢退者不起禁錮者不釋哉按江西典試事分考官請中夏相婿鎬曰甯得罪於一家不得罪於多士竟黜之而夏亦不銜再按河南下令蠲贖錢出餘帑大築黃河隄連護十城全陝田萬頃境內人材不通姓名者舉之而鼓勢行私者抑焉巡視京營冒鉅萬計姦利不可勝數提督爲宰執肺腑人莫敢問鎬輒奏去其甚者宰執銜之出爲山西副使兵備代州邊有警而代當其衝鎬備禦免虜患銜者仍左遷湖廣參議提督太和山至則督發中貴人贓弊人以天神目之轉山東參政卻羨金四千兩陞湖廣按察使禁戢宗室爲

灤

縣

志

卷十

人物仕績

二二

暴者數人王以書來使去卽投櫝封之或於法得釋使來謝乃引至櫝取書還之實未發曰法當如是吾安敢低昂耶轉右布政攝左事諭解銀入則所司緘封進出則原封發之惟據案端坐錙銖無所移筦庫不得與時海寇猖獗爲繕城池備守具檄土著子弟出奇設伏左右翼擊殲之沈大鱗數十擒斬俘獲無一東還者功當超擢給廕忌者沮之轉右僉都巡撫甯夏入境輒有斬獲會楊襄毅入吏部欲擢貳司馬嵩子世蕃大恚嗾給事中某論之召回京別用及入京遇嵩長揖而已遂乞骸骨歸與兄同居不置私橐視猶子如己出終世未嘗有請於有司遇親舊有婚喪者助之士之貧者濟之臺司交薦無虛歲終堅臥不起卒祀鄉賢

厲汝進字子修嘉靖十一年進士授池州推官徵拜吏科給事中會湖廣巡撫陸杰以顯陵工成召爲工部侍郎汝進言杰素犯清議不宜佐司空並劾尙書甘爲霖樊繼祖不職不納三遷至戶科都給事中戶部尙書王梟下獄汝進與

同官海甯查秉彝。馬平。徐養正。巴縣劉起宗。章邱劉祿。合疏言兩淮副使張祿。遣使入都。廣通結納。如太常少卿嚴世蕃。府丞胡奎等。皆受賂承屬。有證。世蕃竊弄父權。嗜賄張燄。辭連倉場尙書王暉。嵩上疏自理。且求援於中官。以激帝怒。帝責其代。杲解釋。命廷杖汝進八十餘。六十。並謫雲南廣西典史。明年嵩復假考察。奪汝進職。隆慶初。起故官。未至京卒。祀鄉賢。

郝宗啟。字文卿。隆之孫也。嘉靖丙午舉人。授博平知縣。陞澤州知州。學問深邃。事親至孝。居鄉勵行。洫政有聲。祀鄉賢。

陳情。字子孝。號蓮渠。性醇篤。明爽。少有志操。爲郡學生。領嘉靖丙午鄉薦。灤俗舊例。凡孝廉入國學。闔州車戶。出銀約百金。送之。名爲助薪水。情獨謝不受。曰。國家取士。爲裨民也。奈何始進。卽剝及鄉民。力辭之。父鎰臨沒。諭之曰。汝前程自有。吾有微蓄。可付汝弟。汝其承此志也。情涕泗受命。後與弟析產。一如遺命。弟固辭。情曰。世之賢夷齊者。以有中子在也。吾兄弟止兩人。若以父物委之道。

灤

縣

志

卷十

人物仕績

一一一

路。何以見先人於地下乎。弟乃受。情七上春官不第。就選銓曹。授山西孝義令。下車後。睹城垣頽圯。武備廢弛。進諸父老而詰之曰。有備乃可無患。今若此。設寇至。將奈何。乃以汾水可阻對。情復詰之曰。萬一冰堅可渡。又將奈何。父老無言。遂下令修城浚濠。添設守具。訓練兵將。自秋徂冬。繕粗具。賊由老營堡進圍石州。遠近騷動。情命幼子三緯。送帑歸籍。而以長子三經。同爲城守。賊果大至。城內士民。惶怖莫知所措。情與三經。躬擐甲冑。分巡城上。以安衆心。賊攻圍急。矢石如雨。左右勸避之。不聽。倏一矢中輿杵。深入半寸許。左右錯愕。情神色自若。一紳曾任鴻臚。適在籍。當分地而守。夤夜私歸第。情知之。欲以軍法從事。衆環跪祈請不得解。三經亦跪請之。情怒。卽以佩劍斫其肩。幸衷甲不重傷。而甲葉碎矣。一城股慄。咸聽約束。下令收難民。於中搜得間諜七。賊知有備。三日始解圍去。事平。論功當超擢。以不善解。上臺意。竟抑不以聞。越歲改調河南長葛縣。民風刁悍。情爲之輕徭薄賦。約已勤民。境內稱治。時繡衣使者。典河東。嗾差。

係北直人。與情爲鄉誼。走書索印池。意不在印池也。情笑曰。公私者邪正之判。君子貴守道。貴不失己。餘則聽之。乃以銅池送使者。使者怒。誣巖其詞。露章劾之。罷官。父老多涕送者。與孝義同。情歸里。遂絕意仕進。時首揆新鄭高公。兼攝太宰。新鄭長葛之鄰也。高耳其廉明。走書慰之曰。天下事不可量。奈何一蹶遂甘邱壑耶。君其勉旃。無何改揚州參軍。郡守器之。委權泰興令。乃平反大獄。時人比之包孝肅。有巨盜爲患。江淮梗塞。情部署卒五。以計擒之。又號飛將軍。江淮漕糧積弊。磐固不可解。情力破除之。是年糧艘過洪。獨早。大爲主漕運者所賞。舉爲宿遷令。抵任七日。丁內艱歸。服闋。改授宿松令。其地界黃梅。俗尙浮屠。有紅蓮七祖者。終日趺坐不食。云肉身已二百年矣。凡邑令至。必詣寺虔禮之。否則不祥。吏以是白。情僞諾之。而遷延不往。實微服往覘。見香火絡繹。男女雜沓。寺內僧衆。曲闥洞房。旁通側出。廉得其歛財騙姦狀。通詳各憲得準。遂焚化紅蓮。毀其寺。邑有某甲。富可敵國。結交顯宦。怙惡殃民。織工某乙妻女。俱

灤

縣

志

卷十

人物仕績

一三二

有妾色。甲欲之。而無由通。僞以織紡事誘乙。他往。夜有夥盜。焚乙廬舍。並擄其妻女一去。比乙歸。其廬只煨燼在。不勝悲楚。哭訴於甲。甲聞之。佯爲詫異。給銀廿兩。並遣二僕。同往各處偵探。逮沿江緝訪。久之無耗。歸白甲。甲責乙償其所費。乙固無以應也。甲怒逼乙寫賣妻女券。以抵債。券成。而妻女出。已歸甲矣。乙始知焚擄。皆甲之所爲。微有怨言。遂毆之死。乙妻聞之。深夜踰垣。赴縣聲冤。情廉知之。而聲色不動。縣倅李香者。甲之鷹犬也。以利撼情。情唯唯應之。比訊嚴鞫。而得其實。檢乙屍。則體無完膚。如律論抵。甫畫招。督學使者褚公之書至矣。發其函。乃權貴屬褚公。爲甲求脫者。情笑曰。大奸除矣。冤魂伸矣。吾可以塞責矣。一七品官。不可以已乎。遂立斃甲於杖下。竟致仕歸。居鄉後。角巾竹杖。絕迹公門。日以課孫爲樂。所歷各邑。俱空橐以歸。蔬菜之外。不供匕箸。居常怡怡。溫溫。馭下以寬。中堂不聞叱咤。於鄉鄰無貴賤。接以恂謹。不爲臧否。著有五行奕藪。年六十九。無疾卒。祀鄉賢。



張文炳嘉靖辛酉科舉人初判開封政績特著遷守涇州仁聲遠播民立生祠祀之

馮餘慶由明經授西華令捐貲千金建長橋於治城以利涉歸施義田用濟貧族以孫運泰貴贈太僕寺卿祀鄉賢

高第字登之萬歷己丑進士初令臨潁徵賦銀不折封卽以原糧解府力絕羨耗歲大歉賑粥施醫藥活數萬人轉戶曹權濟墅關舊例支河設繩防貨舟攔出第曰但鑠正關足矣何淵察爲悉撤去陞大同守捐俸贖補宗祿三千金陞湖廣參政奏撤稅瑄杜進忠旋臬陝西擢御史中丞巡撫大同費橐七千金助給撫賞晉兵部尙書楊左被逮榜掠甚慘第經筵力陳黨錮宜釋忠賢怒激熹宗召對切責之會甯遠警出第經略薊遼時右屯大凌河城二孫承宗已設戍第至以關外不可守盡撤之二城遂被毀崔呈秀劾之勒令間住崇正初詔復原官因己巳郡城陷復謫居無棣己卯放還里著有太極良知等說撫雲疏稟

灤

縣

志

卷十

人物仕績

一四

籟眞等集年八十二卒祀鄉賢

本舊志參錄明史及永平府志

張鵬翼字欽之號扶搏萬歷戊戌進士授山東滕縣令值黃河盛漲滕爲險工鵬翼督同民夫晝夜搶護隄岸卒以保全擢陞工部郎中以疾辭歸閉門掃軌訓諸孫以自娛卒祀鄉賢

石維嶽字五峯登萬歷庚戌進士授中牟令以坦直拂相國某謫河東鹽運司知事某卒事乃白擢推官陞刑部主事歷郎中時魏璫燄烈奪戚畹李承恩園置之獄法司希魏意擬辟嶽抗言曰殺人媚人當何律卒以園歸李出守懷慶建告帝堂凡書行事錄卷焚之韓昌黎裔有在懷者式微訪得之復其業爲建祠置奉祀生旣而璫禍徧天下懷人以請維嶽曰俟我去若輩自爲之以故璫敗懷獨無逆祠遷長沙副使岷王府中官鳩殺王反誣妃事聞下兩臺訊維嶽廉得實逮撫按以下十九人皆納賄者妃冤得雪崔呈秀爲魏璫義子維嶽以妃事觸怒且羣小嫉之因媒孽成薊州妃特疏昭雪維嶽終不自明年七十餘

卒。祀鄉賢。

馮斗華，字應垣，萬歷丁酉舉人。父餘慶，尹西華時，夢斗而生，華因名焉。銓授長山令，政尚簡要，公餘與學博諸生，橫經問字，白文者相望於道。以清直忤直指，罷歸。著有經書解義，平平言，二集藏於家。以子運泰貴，累封大中大夫、太僕卿。祀鄉賢。

趙養蔚，字青城，萬歷庚子舉人。富甲平灤，少負經濟，喜談兵。當神廟時，武備久弛，養蔚尋戚少保壁壘遺蹤，不禁釃酒悲歌。己巳，遵永不守，蔚捐貲建城內外礮臺，造礮募守，費以數萬計。邱禾嘉以兵部司官提一旅駐開平，糧芻饋乏，養蔚拮据五閱月，傾竭家財以助軍食。時榆關道塞，養蔚間道三走山海關，謁孫高陽閣部，痛陳機宜，東西合師，四城畢舉。事聞，論功擬授以司農郎，養蔚辭，欲仍赴春官，改授中書。丙子，畿輔再被兵，閣樞臺省交相推轂，改職方郎，持節監昌薊密三鎮軍務，役竣膺上賞，兩功並論，晉尚寶少卿。僉議欲試之邊撫，未幾

灤縣

志

卷十 人物 仕績

一五

以勞瘁卒，閣部深悼惜之。祀鄉賢。

畿輔人物考，孫閣部請郵疏云：畿輔兩用兵，多望風逃竄，一切城守急需，動仰於有司，奈倉庫空耗，

急呼莫應，開平獨屬衝繁，危若累卵。趙養蔚一孝廉也，乃力砥狂瀾，毀家急難，修城繕器，勞瘁九載於茲，雖三遷京職，俱未泄任，沒於王事，庸功未酬，目今邊隅多故，正宜冀死以愧生，相應特示優異，鼓勵天下事聞。再贈尚寶卿，賜封三代如其官，賜祭半壇。

馮運泰，字六符，斗華長子。弱冠舉於鄉，聲譽藉甚。事繼母以孝聞，篤友愛，登萬歷己未進士，令堂邑聊城，以和靜豈弟為治，恤民造士，兩邑爭尸祝之。陞工部郎，監修三殿，綜覈勤密，省帑金數萬兩，叙功擢太僕卿，假歸省視，以違限奪官。祀鄉賢。

吳學顯，字養晦，選貢生，任荆門州同知，旋署郡篆，戢盜安民，培養士類，以疾歸。張聯奎，字輝含，萬歷己酉舉人，除彰德司理，有張佛之頌，以直忤左遷秦臬，幕署商州，輯流亡，多善政，尋復理臨洮，閱河西五鎮，活楊弁帑累百口，臨鞏帥以幕金三百餉，卻之，再餽珠簾，庭責其使，而揮去之，曰：奈何浼我，邀覃恩，贈父如其官。以邊才擢慶陽郡守，流賊寇城，單騎諭禍福，輒解散，因積勞謝病歸，僑寓

邢臺時給諫馮公可賓及臺中交荐不赴邢臺破配田氏不屈遂遇害奎困頓旋里環堵蕭然銜杯嘯歌晏如也年六十有九無疾卒

趙養冲號赤霞開平衛人貢生父濬承隴西視令篆庫存積羨三千金久不入考覈老吏陳說可充便宜濬不允達兩院院請於朝一時稱廉吏養冲授延安之甘泉令推誠待人五年奏最遷甬東別駕甘民臥轍者千萬人爲立祠天子璽書旌之謂不愧廉吏子別駕冷署簿書期會外無他事檄兼定海縣篆邑濱大海島夷初定瘡痍未復一切善後機宜文武大吏倚爲左右手巨猾王萬金者倚璫勢爲奸因睚眦仇殺人都市屢屢莫敢問占良家子女如其有攫金盈庫藏門下多東南亡命徒釀亂長禍爲地方隱憂新巡方某入境羣愬萬金不法狀下檄定海捕治萬金初易之笑曰癡別駕五日視事與萬金爲仇耶冲遴諸役之黠有力者捕之示與罪人互爲生死金託詞林某爲治具延養冲盤盃杯匕多金玉酒闌某促膝爲萬金道意目視几筵器具擬盡數以充下陳養冲

灤

縣

志

卷十

人物仕績

二六

佯爲不解翌日促捕益急萬金疑別駕避詞林知受金也乃謀及館賓詹生以奇貨貸東主爲言養冲聞而面赤峻拒之仍痛責捕者明日逮萬金伏庭下稱囚又二日並萬金二子亦械至養冲集諸被害家焚香告神鞠得諸淫掠貪贖狀竟斃於杖竿牘湧至而死者不復生矣

陳三緯字汝文號太華情之仲子也性孝友重然諾食餼於庠九赴秋闈不售以明經貢成均銓授河南修武縣丞有能名令倚任之以課最受知於按臺張惟任荐升陝西鎮原令邑崎嶇萬山中頻年荒旱盜賊充斥租賦多逋三緯至特爲撫恤詢民所苦凡一切規弊盡裁汰之是歲忽逢大有年民乃絡繹輸將盜亦衰息先是山陝各營補添卒伍每至鎮原招募大爲民害以樂充卒伍者多遊手無賴一旦挂名軍籍得官錢浪費恣擾無所不至地方官操之稍切則遁去按籍仍應補額所費歸民攤派三緯廉其情屆募兵時先較其力堪選者每名日給口糧二升所需軍裝衣物官爲之備至恤家銀必俟行日方給不靖

者一繩以法。值計吏舊章，思免疵求者。先赴府道通問，或告之。三緯喟然曰：余以五十老明經，叨膺民社，於分足矣。通問何為？乃解組歸。時崇正己巳也。冬十一月，州境戒嚴，士紳集講守城策。三緯獨排衆議，請補足民壯，凡影射占額者，剔除之。並發倉廩，補給所欠工食，修城濬濠，勸富室出粟，以贍人夫經費。閉門固守，嚴查奸細，守禦有資。而後保衛能固矣。至所需旂幟軍器，鉛丸火藥，並立時舉辦，不容再緩。時州牧銅仁楊嫌，爲文學士，未諳軍旅，偏信親暱。三緯言不聽，訖無定議而罷。未幾，玉田縣令以失守被逮，楊聞始懼，再議而事已不可爲矣。庚午正月初四日，城陷，嫌急召三緯至，謂曰：不聽君言，致有今日，噬臍何及。雖然，吾死分也。妻子何罪？望君翼而出之。行當銜結地下矣。呼妻子出使拜。三緯曰：吾方寸已亂，然既受公屬，敢不惟力是視。請與行，必易其衣裝，乃可。嫌領之。三緯寓書於開平練長趙養蔚，使命紀綱衛送之。復詣署至榻前，嫌已自刎死。三緯俱棺衾歛之，浮厝城外。十七日，聞清兵取城，三緯亦避去，攜重貲，遭土

灤

縣

志

卷十

人物仕績

二七

寇劫事平乃歸，深以此逃爲迂拙，故自號迂拙子。丙子大荒，餓孳載道。三緯罄家所蓄爲粥賑之。至次年四月，穀盡方已。郡人德之，沒祀鄉賢。此傳俱本陳三緯自叙碑，刪其

繁冗，摘錄大略如此。

白廷魁，字復古，號雪軒。由明經任臨縣令，備供給課士，歲以爲常，催科不擾。訟獄者理而遣之，不責贖錢。時稅桑田，助耕歛，以不善承大府意，中忌調簡，遂拂衣歸，以壽終。祀鄉賢。

倫之楷，字百式，在城社人。天啟丁卯舉人，夙負經濟，有應變才。知榮穎時，大盜一條龍者，糾衆圍城年餘，百計攻擊之。楷策應，不遺餘力。乘夜晦出奇兵，盡殲其醜類，叙功召對平臺，擢御史，奉命巡漕，擒大蠹，以清漕政。又劾逃帥懦撫，論陳啓新，以上書得給諫，爲溢賞，直聲震殿陛。丁內艱歸，值國變，痛哭不食，欲以身殉。家人防之嚴，弗克遂，乃塞戶自囚。由竇以通食飲，會部牒下，強欲官之。之楷終不屈，未幾以抑鬱疽發背死。祀鄉賢。

張汝賢字景宣號復亭在城社人天啟丁卯舉人任定陶令清廉愛民事至立斷時羣賊蜂起汝賢不動聲色密計招誘得通巢穴擒獲渠魁李之茂等四境肅清擢鞏昌郡丞值流寇攻城畫戰守奇策叙功陞臨洮府知府遷莊浪道以勞瘁得疾乞休歸里年七十二卒祀鄉賢

郝譽髦字完璞金華守隆裔孫也性和易生平無愠色弱冠遊諸豪貴間咸樂與接引爲揖客後以鄉貢銓洪洞縣丞之任適令病士民奔顛兩臺乞譽髦攝篆視事竟一年令自以爲弗如遂請告去久之譽髦亦厭吏事解組歸委家政於諸子益與同志者遊覽讌談無虛日譽髦不洪於飲而家善釀遊俠少年多相與徵逐譽髦時取薪糶自供燎爨宴如也年八十餘仍舉一男二女人以爲得斟雉秘術云康熙乙巳秋自治後事語家人曰吾將逝矣遂卒年九十餘高輔辰字欽亮人稱二亮先生晚自號南村病人登崇正癸未進士曾任安陽令清催補范縣未幾以病辭上官固留分校西關三謝不赴始奏回籍後屢徵

灤

縣

志

卷十

人物仕績

一八

不起徧遊恆岱江楚交識海內名宿家食優游不問生產所著存熙堂稿纂集雜俎若干卷卒年七十有五祀鄉賢

高霄字雲冲擢之子官廕宗人府經歷本生世胄絕無執轂習氣日對簡編攻苦甚於寒士性蘊藉和藹雖遇微末亦無簡傲事繼母庶母皆嚴敬中禮任山西鹽運副使晉開封周王相清望益著子階亦能讀父書時人比之太邱彥方云

鄭中選字佐明始祖甫智當永樂初以御史坐方孝孺黨謫灤州因著籍焉中選性絕孝不冠幘不敢見父母遭喪哀毀盡禮以孝誼徵辟授山東萊陽丞遷文登令卽古不夜城也出膺膺大貝中選清介自矢一無所取士民繪屏尸祝之會鼎革棄官歸嘗訓子孫曰富能府怨爾輩識之祀鄉賢

倫之模字五全事親養志曲盡其禮以明經司訓順天丁內艱歸值鼎革力辭徵檄年七十三卒

清

蔣赫德初名元恆。幼爲諸生。善望氣術。明天啟丁卯。赴科場。夜間聞明遠樓鼓聲。驚曰。此頹敗之氣。國祚安能久長。遂不終闈而去。徧遊九邊。云王氣葱蘢。聚於遼瀋。其間必有聖人御世。吾蓄材以待可也。逾年清帝入關。赫德杖策軍門。上閱其文。喜之。因改今名。遂攜出塞。不數載。以致大拜云。諡文肅。本禮親王。嘯亭雜錄。宋聚臣。州人。生而奇穎。年未冠。每試輒冠軍。遂食餼。初清世祖入關。道策郡國。所貢生。拔其尤者。立授民社。聚臣得濟南之平原。勸課有經。士民感戴。乙酉分。校秋闈。所得多知名士。既解組歸。與鄉人處。和藹恭謹。無宦習。年七十三卒。趙申寵。字恬如。養沖子。有幹濟才。性孝友。兩弟皆繼母出。爭宅構訟。申寵詣官。陳曰。弟之爭。兄之罪也。願以寵所市宅讓弟。司理表其門曰。有伯夷風。癸未。以廩生入太學。授山東布政司理問。甲申。逆闖之變。申寵視陽信篆。賊銜僞命至。集義勇擒殺之。鼎革後。走京師。上其狀。卽實除陽信令。復擒僞都司孫邦奇。斬。

灤

縣

志

卷十

人物仕績

二九

之。四境遂安。既以轉餉功。陞陝西莊浪衛同知。茶馬御史蘇某。以前官事。誣奏申寵革職。未行。適米回作亂。寇莊浪。強官申寵。不從。逼以刑。終不屈。乃幽於別室。總督孟援至。賊始遁。復約其部圖再舉。申寵矯總督檄。聯絡西番七十二堡。以禦之。事平。總督首申寵功。奏復原官。改浙江湖州府同知。甫任。卽視篆歸安。以漕糧過淮遲期。爲漕撫劾逮。至京。昭雪。復補福建汀州府同知。未行。以疾卒。年七十三。子御衆。入文學傳。

石申。字仲生。明副使維嶽子。順治丙戌。進士。改庶吉士。視學江南。搜拔單寒。所取士多掄大魁。歷遷學士。侍經筵。擢吏部左侍郎。矢公無欲。門絕苞苴。以抗直中忌。奪職。後起補刑部左侍郎。上慎刑疏。天下傳誦。丁繼母艱。服闋。補戶部左侍郎。總督倉場。舊例。厨饌交際。取支斗級。衙僧藉咨吞啗。申一切罷去。綜核無遺。釐清夙弊。值慈母訃聞。歸里。嬰病而卒。勅賜祭葬。祀鄉賢。先是清世祖。稽古制。選漢官女備六宮。申女及笄。承恩。賜居永壽宮。冠服用漢式。勅召申妻趙淑。

人肩輿入西華門。至右門下輿入宮。行家人禮。恩賜重筵。賜綵緞。賞賚有加。後封恪妃。

喻成龍。字武功。其祖父從清師入關。卜居灤州。成龍弱冠。以廕補安徽建德令。值吳耿叛。分兵協剿。親冒矢石。所向披靡。獲從逆姓氏簿。焚之。保全殊多。士民尸祝焉。康熙十七年。薦升池州知府。建義倉。積穀數十萬石。民賴以無饑。丁內艱。起補臨江府。尋改山東鹽運司。升按察。擢布政。遷太常寺卿。歷官至湖廣總督。在任以未能彈治營弁奪職。康熙五十二年。復其官。尋卒。成龍居官廉明仁愛。所至有聲。嘗自銘其門曰。經盤錯以見節。處脂膏而不染。時稱爲清官第一。尤加意學校。守池州時。創書院。置學田。藏書籍。政暇則與諸生討論。俾從事經濟。寔學。至臨江。又以隨行經籍數十篋。置尊經閣。以授學者。解組後。吟詠自娛。有詩集若干卷。

陳極新。字德軒。由庠生爲內院官。歷任江蘇山東布政使。勞來安集。戶口日增。

灤

縣

志

卷十

人物仕績

三〇

又修學宮。築貢院。旋擢山西巡撫。黜陟嚴明。修建城郭。卒祀山東名宦。子一德。初管佐領。復兼參領。從征太原。戰克。旋擢副都統。屢立戰功。共下七十二城。又攻湖廣武岡寨。中礮陣亡。詔贈將軍。廕一子。

倫品卓。字宣明。性倜儻不羈。以選拔任江西南康倅。康熙辛亥。南康大饑。品卓貸請帑金三千兩。買運減糶。康人賴之。康地處下流。舊制米交漕運。舟多漂溺。糜費不支。品卓力請督漕。以康米竟達京口。著爲例。壬子押運。力除私折盜賣諸弊。先期抵通倉。督漕合疏。薦舉。值康守乏。即擢典康郡。重士保民。習俗不變。重修白鹿書院。及郡學。甲寅冬。饒賊逼城。守兵寥寥。品卓激勸鄉練。乞援會剿。日戰三捷。殲渠獻馘。地方以寧。事聞。勅部議叙。會丁外艱。以寇警奪情。計撫僞官百餘。僞兵七千餘。孽悉平。旋以失重臣意。解組歸。徜徉詩酒。壽八十有五卒。子三。長可久。陝西慶陽府同知。仲可大。山西澤州知州。季可經。府庠貢生。汪淑問。字清公。號邁陶。幼失怙恃。事祖父母以孝聞。嘗赴涿州。爲賊所留。並貽

一美婦。淑問堅執不從。後登順治己亥進士。授隄爲令。邑當亂後。城內居民僅六七家。淑問竭慮撫綏。未幾以呈誤解組。士民擁馬首。號哭失聲。生平篤交誼。宦蜀時。貧苦不能自存。猶解俸以急友難。客武昌幕。力贊死罪留養之例。迄今永著爲令。著有詩文集藏於家。壽八十有五卒。

馮運皞。字惺初。斗華少子。性孝友。由恩貢。選充八旗教習。考授河南夏縣知縣。時有兄弟爭產。力絕賂遺。勸諭使散。邑有投繯嚇詐之習。皞痛絕之。後值藩變。境內晏然。旋乞歸。老幼攀留。卒年七十有七。

劉偉。字遠公。幼嗜學。性倜儻。其父昌泰。以明經。司諭定興。偉承家學。爲文博雅。堅勁。康熙乙卯。韓慕廬先生主順天鄉試。闈中得偉卷。大加欣賞。定第一行稿。出。傳誦徧天下。乙丑捷南宮。選庶吉士。丁卯授監察御史。巡視東城。風裁高峻。聲著臺班。卒於官。遺藁無餘著。

李榮。字輔公。康熙壬子科選拔。銓授浙江嚴州府分水縣知縣。復任湖北武昌

灤縣志

卷十

人物仕績

府。嘉魚縣知縣。有政聲。行取科道。卒祀鄉賢。

汪與恆。字久也。淑問子。康熙甲子經魁。庚辰進士。少貧。館於某氏。時有吏虧官錢。欲鬻其子。與恆悉以館穀代償之。選授福建長泰令。歲大旱。朝廷命截漕粟三十萬賑濟。與恆區畫有方。早不爲災。鄰境有盜魁陳五顯者。嘯饑民。聚山谷間。旁掠州邑。與恆練鄉兵卻之。追敗賊於白泉社。潰其衆。邑遂獲安。由是廉能之聲大著。楊錫珪者。邑監生之險健者也。與恆遇事裁抑之。積忿不得逞。會與恆以辛卯科分校入闈。時撫軍黃秉忠欲爲其西賓入穀。通關節於與恆。閱其文不佳。大批俗嫩不成章五字。黜之。撫軍怒。遂中以墨。令藩司金培生窮治之。錫珪伺隙。控與恆前所薦士王某。有交通關節狀。蓋王實以傳遞獲售。與恆不知也。及訊。堅不承。金怒目視與恆曰。明日覆訊。與恆見事急。買酖自隨。曰。吾豈受奸黨辱哉。及日。金以生日開筵觀劇。忽中惡死。與恆得長繫。朝廷命部臣張鵬翮。趙申喬。滿寶。至閩勘訊。盡得其狀。奏上。奪黃秉忠職。金籍沒。與恆復原任。



適有控錫珪通盜者。上官檄下問狀。與恆力雪其冤。出之於獄。曰。以莫須有三字報私怨。余曩曾身受。知其慘也。不敢請君入甕。乙未。行取禮部主事。轉吏部文選司郎中。杜絕請屬。選弊爲之一清。世宗卽位。大朝首召與恆上殿。遂越班拜殿上。諭曰。爾是好官。令中外皆如爾。朕復何憂。與恆益感激自效。每堂議不合。相持竟日不署名。卒以剛直不容於時。左遷行人司司副。旋擢鴻臚寺正卿。年六十餘。卒於官。子二。長濺。舉賢良。官太平令。次歛。康熙丁酉舉人。湖北蘄水縣令。

衛蕃。由舉人任曲周教諭。性醇謹。尤勤於訓士。每月課。必與諸生悉心講貫。以疾罷官。遂僑居焉。士紳敬事。如在官時。

郭倫。字敷五。康熙戊子舉人。歷任雲南普洱府同知。甫到任。守以事赴省。會苗民叛。急申文報省。守遷延不至。苗愈肆。倫竭力守城禦寇。事定。卽擢知府。後遷刑部員外郎卒。

灤

縣

志

卷十

人物仕績

三三一

汪歛。字越孫。與恆次子。性至孝。母王氏患疾。思葡萄未得而沒。遂終身不忍食此果。康熙丁酉領鄉薦。選授湖北蘄水令。值歲饑。不待申詳。輒開倉賑濟。斲民立生祠祀之。作玉臺紀績。以頌其德。時麻城秀士涂如松。家貧。妻楊氏。與族兄同範私。恆居母家。如松母病。楊氏不顧。如松謫之。楊氏怒。復走母家。與同範謀匿夾牆內。涂居固濱河。時新漲。有屍浮出。已腐亂不可辨。同範聞之。指爲毆妻致死。控如松。令鹵莽逼供。如松已論死。第以不得凶器。案未結。總督邁柱檄歛訊其事。勘知係同範藏匿楊氏。以謀陷如松。亟詣省白狀。邁曰。今之好官。不過謂能翻案耳。我試看汝。歛趨歸。急搜同範家。無所獲。遂以草率斷獄落職。改檄他令。令覘邁之護前非也。承意鍛鍊成獄。本案件作某。亦以勘驗不的。死於杖。無何。同範妻產難。急劇中。誤呼楊氏救我。乃自夾牆內出。爲穩婆闖見。穩婆夙識如松。知其冤。急趨縣鳴鼓。新令陳某。搜獲楊氏於夾牆內。冤始白。歛復職。旋補甘肅安定令。立自封投櫃法。民皆便之。嘗過北川。有古墓十七冢。爲水所齧。

發徒改瘞之。得嘉靖中銘詞曰：兆久淪析，冥芒爲厲。二百年中，賢令獲此。邑人競傳誦焉。調任平涼，安定人無老幼，泣送百里外。擢山東高唐、貴州正安等州知州，均有政聲。乾隆五年卒於官。子二：長曾晟，辛酉副車，任河南陝州別駕，次曾順，歲進士。

石彬，以貢生舉孝廉，授清源令。自太原縣之高家堡，至牛家寨，開永濟等渠，十五道，民享灌溉之利。爲立石公渠碑記，頌曰：渠開東北，膏澤霑足，惠被無疆，介我禾穀，源遠流長，仁者之福。陞雲南羅平州牧，卒於官。

石襲曾，字衣先，申曾孫也。雍正丙午舉人，丁未聯捷進士，初授戶部主事，後陞山東司員外郎，稽查吏胥，釐清積弊，上憲器之，尤嚴於家訓。子廷昕，酷嗜書史，至老不輟云。

李士适，字景南，旗籍。由貢生，援例授山西平陽府同知，攝岳陽篆，禱雨於城西之龍潭，徒步數十里，未返，雨霑，歲以大熟。己卯山西災，省北尤甚，士适奉委輸

灤

縣

志

卷十

人物仕績

三三三

粟，受兌者挾勢，欲以過量收之。士适不可，後任福建汀州府知府，以疾罷官，歸橐蕭然，年七十餘卒於家。

趙槐符，字子蔭，號允泉，乾隆庚寅解元，辛丑進士，授吏部文選司主事，陞本司掌印郎中，才敏有識，頗爲上憲倚重，授潞安知府，察賑水災，士民懷思甚衆，旋調太原，屢決疑獄，時有兄弟爭財構訟者，胥吏兩受其賄，案久不決，槐符蒞任，廉得其情，委曲勸導，兄弟感泣，友愛如初。陞冀寧觀察使，署山西臬司篆務，以疾卒於官，時年六十三。

汪誠若，字繼和，乾隆乙酉科，由拔貢中副榜，歷官浙江龍泉鎮海、四川榮昌等縣知縣，其任鎮海也，匪徒鮑文相、陳廷有等，把持魚鹽私利，爭爲雄長，招集至數百人，誠若請於專閫，伺其互鬪時，掩執之，獲首犯數人，正法，闔境肅然，決獄每多平反，嘗曰：致人之死，升己之官，吾不爲也。年七十四，以壽終。子鑑，嘉慶辛酉進士，孫于泗，道光壬午進士，入詞林，道光中葉，擢監察御史，歷任揚州、嘉興

府知府。旋告歸。子渠。道光丁酉拔貢。甲辰舉人。任江西廣信府知府。次子棗。庠生。任奉天海龍廳通判。

楊開基。字亦聞。邑之公案橋人。後徙居樂亭。生而聰穎。讀書有奇悟。陰陽數術。靡不旁通。乾隆戊子舉於鄉。家居講學。衍姚江一派。遠近學者。翕然宗之。乙卯成進士。選奉天府教授。旋告歸。平生學問淵邃。不屑爲帖括之學。著有共學編。棊律算學等稿。其周恤鄰里。遇荒則免佃租。任修大堰二十餘里。以捍數十村水患。開基自視爲分所應爲事。人稱盛德不衰云。

倫可大。字子受。髫年爲諸生。隨父品卓之南康任。適滇黔逆警。左右其父於軍前。屢建勞績。寇平。父爲大吏誣劾。可大奔走翰旋。事遂白。以貢生任四川新津令。邑當兵後。無城郭。祇穴處二十餘家。可大斬荆棘。招流亡。墾荒除賊。五年生聚。轉瘡痍於衽席。薦陞廣東化州牧。州多積逋。紳衿往往被繫。可大概與寬釋。至鑄十五級不悔。丁內艱。服闋。補山西澤州。杜絕苞苴。革除陋弊。時有巇商。以

灤

縣

志

卷十

人物仕績

三四

白金三千賄。卽白上司。奉有加級優旨。在澤十餘年。手著濩澤政紀。可垂治譜。會鹽梟構禍。可大與參戎率兵往視。梟聚衆對壘。參戎卽欲屠戮。可大力阻。因單騎開諭。梟衆感泣羅拜。旋卽解散。緣此遂干里誤。去澤之日。民扶老攜幼。攀轅號泣。立生祠。沒後。遠近匍匐赴祠號奠者。旬日。澤州陳廷敬。誌其墓所。纂有六書分類若干卷。

李廷儀。號石帆。乾隆壬午舉人。博學工詩文。歷官牧令二十餘年。屢著循聲。公餘惟耽吟詠。輯有杏瓊齋詩集刊行。

石秘。字九思。少宰申後裔也。由貢生授順天訓導。陞浙江江山知縣。修城垣。寬賦稅。釐清積案。吏民戴之。卒年五十有九。

石燼。乾隆己酉拔貢。出知湖北遠安縣。嘉慶元年。教匪趙治國。王偉等。二千餘人。入當陽保康。犯遠安。燼招集鄉勇。擒獲正法。以軍功加同知銜。三年。又剿獲賊首二十餘人。民賴以安。

李洙。茨榆坨人。性端凝。天姿高朗。乾隆己酉登賢書。父故後。家徒壁立。授徒藉修脯以養母。辛酉大挑二等。丁母憂。服除。選授安肅教諭。以操行達於上臺。兩次保薦。俱辭不受。道光壬辰。截取銓。授河南滎陽令。下車卽懲蠹役。警刁紳。以經術飾吏治。惠愛實被於民。踰歲解組歸。

李法。乾隆壬午副榜。庚寅舉人。歷知安徽東流合肥等縣。力除強梗。威惠並行。百姓稱李青天。以廉明兩膺卓薦。擢陞都察院經歷。

吳汝楫。字靜瀾。乾隆壬午舉人。任玉田縣教諭。捐修學宮。士民稱之。

常坦。隆乾乙卯舉人。由教諭擢陞山西襄垣知縣。捐俸賑饑。修葺城垣。整飭書院。後以疾告歸。

李之駿。字山紫。號東川。乾隆庚寅舉人。揀發楚省知縣。初攝黃安令。捐俸救荒。兼施衣藥。全活數萬口。後擢河南開封丞。堵築河口。費不足。傾資助之。歷任懷慶彰德光許等州郡。修築沁水九堰。保護民田無算。又嘗寬減歸德守汎民夫

灤縣志

卷十

人物仕績

四百。而河不爲災。光州大橋。捐廉修築。至今猶稱李公橋。襄樊叛民猖獗。督率鄉勇防守。賊不敢犯。又剿平汝州亂民。竟以積勞成疾卒於官。年五十有七。

孫捷三。字簡臣。乾隆辛卯舉人。任湖北麻城知縣。修葺城垣。移建學宮於城內。並捐置學田。創建書院。擒獲房縣首逆胡明遠。士民賴之。以疾卒於官。

王昌。字曜東。乾乾辛卯科舉人。官山東黃縣知縣。廉而有威。不留疑獄。性方耿。不以民脂奉上官。以故十年不調。告歸家居。授徒務實行。農隙嘗於村廟。宣講聖諭。廣訓十六條。推演盡致。使人益曉。曰。此退休者之職也。子承吉廩生。長孫士珍。涿州訓導。次孫士琛。庠生。見文學。

吳映。字宇清。由歲貢。任鹽山縣訓導。修學宮。鑄祭器。諸生寒苦者。必周恤之。或有冤。力爲之白。其宦蹟載入鹽山縣志。

鄭家屏。字文辰。號葵圃。性豁達。倜儻不羈。由廩生。於乾隆丁酉科挑取四庫館。謄錄。議叙。揀發廣東。補鹽運司西匯關。批驗所。大使。調布政司廣豐庫。大使。陞

潮州府饒平縣知縣。嘉慶六年丁母憂。服闋。銓授湖北武昌府蒲圻縣。旋調黃岡。所至稱治。生平癖嗜書。插架幾滿。公餘必手一編。披覽略無倦意。卒於官。子一名七士。字志年。由南河工議叙。府經歷。工棋善畫。稱能品。或謂棋尤入神也。

李向榮。字南溪。太古莊人。旗籍。乾隆丙午舉人。嘉慶丙辰進士。補工部營繕司主事。轉都虞司。抱負宏遠。文名藉甚。爲時所推重。

邢良柱。乾隆乙卯舉人。山西洪洞知縣。幼苦貧。力學不輟。及服官。有清正稱。性剛直。家居激厲風俗。里巷邪慝之習。因之以變。

李文彪。字荻川。乾隆乙卯舉人。任密雲縣訓導。善於啟迪。門下士捷。南宮登賢書者。前後三十餘人。

吉靜涵。范家莊人。風度秀雅。幼通經史。爲文倚馬可待。先世微賤。莫能應童子試。其父徧邀鄉先生。觴之於家。出靜涵。使崩角在地。然後侍讌。衆叩其所學。咄嗟稱羨。愆患赴試。州府院考。皆列第一名。旋舉乾隆乙卯科鄉榜。大挑一等。分

灤

縣

志

卷十

人物 仕績

三六

發山西。補沁水縣令。有政聲。後致仕歸。優游林下。數年卒。

石臺。字仙圃。城內人。性高雅。讀書外無嗜好。家甚貧。攻苦益力。嘉慶丁卯舉於鄉。以大挑分發廣東知縣。歷任恩平高明等縣知縣。皆有政聲。長才未竟。卒於官。

宋琛。字丹崖。幼聰慧。好讀書。嘉慶癸酉舉於鄉。年甫及冠。以家貧親老。授經自給。遠近知名。士多歸之。不以年齒較。道光乙未。大挑一等。分發浙江。歷任慶元平湖金華瑞安湯溪天台等縣。所在稱治。案無留牘。請屬不行。四民無不頌德。去天台任。甫抵省。士民踵至。籲請回任。復至邑。謂其人曰。何德於爾。而若是。僉曰。小邑土瘠民貧。不堪貪吏之擾。得公廉明。故極力欵留耳。琛爲之粲然。越三載。因與上官齟齬。遂以疾解組。僑寓錢塘。日以課子孫爲事。慕其品者。咸師事之。薪水所需。亦恆藉修贖焉。值粵匪犯境。以團練帶兵防堵。因勞致疾。卒。年六十四。

張攀桂字小山嘉慶丙子舉人丁丑聯捷進士歷任山東高密曹縣蘭山等縣知縣薦陞萊州府同知光緒二年丙子鄉試由山東直隸督撫咨報禮部得邀重赴鹿鳴宴時年八十九人皆榮之初攀桂富甲一鄉家世故儉約及攀桂少年登第遂揮霍自如然分毫不取之民歷官數十年家產既罄宦橐亦如洗焉譚光第字杏樓開平人嘉慶戊寅舉人已卯聯捷進士道光十年選授廣東定安知縣陞崖州知州地瀕海多巨盜黎民雜處强悍不馴最稱難治到官後撫馭有方斷獄平允得衆心盜亦隨弭是時洋氛方熾林文忠總制粵東留之制署多所贊助旋丁內艱歸父德潤年老且病不欲遠離家居事親盡發所藏書日補讀之學益粹歷十年而父沒終喪後遂不復仕年五十七卒

李湘字蘅洲漢軍籍嘉慶戊寅舉人任容城縣教諭言笑不苟動止有恆與同邑劉景張李直方輩相期研程朱之旨常謂聖賢功夫始終一敬字故自少至老燕處無惰容

灤

縣

志

卷十

人物仕績

三七

杜清遠字崑山幼失怙家貧年十一歲始從師讀期識之無而已師愛其才不受修脯從之數年學業大進旋入泮食餼舉優等生應嘉慶戊寅科鄉試文已入彀以額滿見遺挑取謄錄由國史館議叙選授豐潤縣訓導主講溆陽書院肄業者多躋上第一時稱盛秩滿陞元城縣教諭咸豐初舉卓異陞用知縣分發河南時已歸籍以兵亂不復出子恩培甘州府撫彝通判清遠覃恩封朝議大夫

常瀚字容舫道光乙酉科拔貢以知縣用分發陝西歷任朝邑咸陽咸甯等縣陞乾州所在勤政愛民擢漢中府知府簡放延榆綏道咸豐中髮逆由楚竄陝商雒滋擾尤甚瀚冒雪往剿賊聞風遁士民公立九商保障碑以記績回任適值鎮標兵變擒斬首惡者六人餘不問衆遂安嘗語所知曰爲政貴得前人立意實際而不襲其迹所謂因時制宜也嗣回匪不靖奉檄赴軍營力疾行卒於途次年六十有二

鄭家作字履安號嵐坡城內人性而易而所守清潔課徒自給道光乙酉舉於鄉以大挑二等銓授吳橋縣教諭訓士有方致修脯者每廉於取同官讓之家作曰師生授受固例所不禁然豐腆出自其意可也吾豈以此分青白眼哉道光末年卒於官宦橐蕭然人服其介

王庚字申之道光乙酉舉人大挑一等需次山東署壽張縣甫視篆夜有盜入室將行刺庚自帳內見影用鄧艾下陰平法避之得免盜固爲前令來也庚具詳因有誤處竟撤任後攝費縣因事鐫秩拂衣謝病歸家有商業庚亦頗解計然術至是益爲整理不數年富甲一鄉性和易敬禮鄉黨人亦敬之同治末當游牧任灤時百廢俱興議修書院庚亦請在榛子鎮立義塾以訓里黨子弟所需經費皆身任之嗣後凡遇災議賑庚必邀集殷實商戶捐貲在本鎮賑濟其數莫能稽計乙亥春郭牧設廠煮粥以食窮民庚捐米一百五十石年七十九卒以子汝訥青州府知府晉封中憲大夫

灤

縣

志

卷十

人物仕績

三八

孫德溥字玉泉少有雋才以資投效海疆授奉天蓋平縣典史勤於其職上憲器之時奉省多巨盜其黨先賄於要路以此觀望不捕德溥慨然曰緝盜安民官之責也相率如此惡用官爲乃購覓眼線躬自督役設伏要溢戈獲著名巨盜數十境內肅然歷官數年家徒壁立乃迎母任所母以東省苦寒民多失業命以俸餘每歲酌施冬衣若干襲不給或脫簪珥以濟之窮民熙熙如登春臺迄今頌之

孫德文字霽雲德溥弟昆季六人德文最幼性厭毛錐好技勇曰方今天下多故丈夫當期馬革裹屍爲國家干城耳烏用是離離呦呦數洛下書生詠哉因遵籌餉例晉武階得山東德正幫領運千總德文自奉節嗇而施濟揮霍每值起運所領薪水俱散給窮民歲以爲常人疑其支撥公項而不知盡出私囊也上憲器其才委以陵差得獎調補江西吉安衛守備德文性急每事奉檄卽行非竣無少息也以此積勞遂膺痼疾未赴任卒

孫可銘字海村。曾家灣人。道光末。以議敘從九品。分發江蘇。廉幹有爲。咸豐初。署淳化司巡檢。奉檄辦理撫卹局。全活難民無算。七年。補丹徒高家司巡檢。督帶團防。勦匪出力。叙功以主簿用。同治六年。丁母憂歸。先是洪楊之亂。蘇省迭遭蹂躪。銘賑撫難民。時見有女嫻靜。不似村姑。乃救出。養爲己女。後詢知某府知府爲女翁。郵遞報告。遂迎娶以歸。謝以重金。卻而不受。其高誼如此。

李若樾字鐵珊。茨榆坨人。少孤貧。母督課嚴。早歲成立。有聲黌序。受知於吳甄甫。程楞香。萬藕船。楊稼生。諸學使。應鄉試。薦而不售。夙尚氣節。不隨人俯仰。交逾寡。而境益窘。同治五年。以歲貢銓授高陽訓導。課士之暇。益肆博覽。務講有用之學。六年。捻匪竄擾畿甸。保陽諸屬邑戒嚴。若樾奮然起曰。是惡可張空拳禦賊哉。乃糾合邑紳。倡辦民團。經費籌自文吏。訓練寄之武弁。若樾參贊防守事宜。靡不詳盡。七年春。賊大至。先是賊偪武強。高陽震恐。民心惶惑。思竄。若樾諭以利害。並戰守之策。親帶團勇數百名。與同甘苦。夜宿城上。題壁云。衆志成

灤

縣

志

卷十

人物仕績

三九

城形勢固。一心有主。死生輕。鼓勵卒衆。晝夜巡邏不絕。民心始安。正月杪。賊圍高陽。仰攻不克。若樾復出奇計。前後擒獲數十名。賊解圍去。事聞。錄功。獎叙光祿寺署正銜。教職如故。光緒十年。予告歸里。子溥芳。甲午舉於鄉。是年冬。若樾卒。年八十有六。著有經史質疑六卷。談兵紀略八卷。揮塵叢談四卷。皆散佚。坐春風齋詩集六卷。藏於家。

王汝訥字子默。少聰穎。工詩古文辭。道光己酉。以拔萃中鄉試第一名。咸豐庚申。成進士。補工部主事。考取軍機章京。歷陞郎中。擢湖廣道監察御史。戊辰。簡放濟南府遺缺知府。署青州府知府。所至有政聲。汝訥家素封。而性儉約。抵任不甚設。謙從。時值中秋。味爽祭告龍神。弁兵某。讐其營主。伏階刺之。誤中汝訥。夷于左股。翌日死。士民惜之。事聞。贈太僕寺卿。廕一子。

李昌熾字頌如。卑家店人。道光乙未。舉於鄉。甲辰。大挑一等。以知縣用。需次山西。署甯武。補盂縣。值縣東北境。比歲荒歉。逋賦纍纍。追呼不應。遂釀成巨案。禍



且不測。昌熾憫焉。親赴村堡。邀集矜耆。痛陳利害。俾挨戶勸諭。復多方代爲籌畫。不數月。積逋盡償。於是拘者釋。褫革者復。民大悅。蓋同時陽城縣聚衆抗糧。已動官軍。殄戮多人。而孟民無恙。故紳民咸歸美於邑令。爲文勒石。以紀德政焉。昌熾在孟六年。察廉舉卓異。辛酉。充山西鄉試同考官。所得多知名士。旋以甘陝用兵。統帥往返過境。橫索供應。孟當饑饉之後。民不堪命。不得已。勸支正款。遂筮吏議。鐫秩而歸。清貧如昔。性耽吟詠。尤究心星命之學。著有星學寸得一卷。藏於家。光緒九年卒。時年八十有一。

王鳳森。字子林。咸豐戊午舉人。己未聯捷進士。分發河南卽用知縣。署孟縣。蒞任兩月。土匪圍城。二十餘日。鳳森率民登陴。與同饑渴。晝夜堵禦。賊攻不克。乃退。上憲以其能。調攝西華。賊目小閻王。率大股撲城。鳳森先事備防。守禦嚴密。賊不得逞。間出奇兵。前後擒斬無數。賊舍去。拯救難民以千百計。遠者資以行。近者使復業。民大悅。旋以憂歸。服闋。任郟城。飛蝗入境。鳳森露頂跪烈日中。爲

灤

縣

志

卷十

人物仕績

四〇

民祈禱。三日蝗退。時豫省大災。難民流徙。過郟者如蟻。道饑相望。鳳森見之。惻然。乃設粥廠。逐日躬親監放。難民始甦。欽加同知銜。壬戌癸酉乙亥。俱充鄉試同考官。旋卒於任所。著有課兒詩草。已刊入續永平詩存。

王蔭堂。字槐三。邑人。遵化籍。通達有幹才。與人和藹。中有涇渭。而外無陽秋。同治丁卯舉於鄉。以灤州兵差無定章。胥役得上下其手。中飽以萬計。民多苦之。蔭堂偵知弊竇所在。上書言於州牧朱公靖旬。得允其請。釐定條目。勒碑以垂久遠。民困始甦。庚辰。以大挑知縣。分發浙江。入讞局。奉檄解京餉。往返奔馳半載。以積勞未補官卒。

周慎樞。字樾卿。城西南柏各莊人。生而岐嶷。稍長。欲從師受讀。而家境苦貧。無以致束修。賴母張太夫人紡績之助。始得受業於同里某師。年十三。五經畢讀。習作文。一日師問曰。孺子具濟世之懷。一朝顯達。將何以爲治。對曰。以心。師曰。心何以治。對曰。精一執中。爲堯舜相授之心法。亦卽前聖爲治之具。欲推行治

道舍心何恃。師深奇其抱負。會屢試不售。慨然曰。青衿之厄人如是乎。當別求進步耳。時兄步墀。經商遼左。乃往就焉。館於瀋陽富室。蘭氏。非其志也。值清廷開海防捐。賴居停力。納粟得典史職。列班未久。上遊器重。調署蓋州巡檢。蓋州濱海。久爲萑苻所困。且各股聯合。此擊彼應。官府憂之。慎樞既視事。遂慷慨請纓。刺史壯其志。撥遊擊隊一哨與之。慎樞以匪衆我寡。若直接進剿。勢難奏功。乃仿沈希夷治粵匪法。密謀以伺其隙。施反間以離其黨。久之匪果互起猜疑。其勢遂分。悍匪蓋天紅者。巨股也。慎樞率隊首擊之。匪不支。退守老巢。乃察匪之窟穴。係壘土爲壩。上列土礮多尊。官兵莫敢近。因思得一計。乘昏夜。令兵士攜火槍潛行。近匪巢各掘一穴。伏其中。待天微明。齊舉槍向礮口射擊。俄頃匪礮悉被打燃。陸續轟發。匪既失防衛。驚惶欲遁。乃率衆四面兜擊之。匪盡殲焉。此股既滅。他股亦次第盪平。距到任僅數月耳。大府嘉獎。據情入奏。經部核議。以異常勞績。特授江西瑞州府銅鼓營撫民同知。以典史末職。驟陞分府。亦異

數也。銅鼓地居萬山之中。民風錮塞。而更有蔑理傷和者。卽溺女一事。下車伊始。卽親撰戒溺女文數篇。頒發城鄉。剴切勸阻。奈惡俗相沿。驟難改革。乃召集士紳會商。先在城內勸辦育嬰堂。捐廉作倡。商民繼之。并令子士藻親赴各鄉勸募。士藻善於詞令。不數月。巨款集成。爰親定規條。由地方推舉熱心公益者。董其事。慎樞亦不時到堂查視。每屆歲闌。則將一年中嬰兒之出入。款項之收支。刊刻徵信錄。遍送各捐輸善士。其有離城窺遠。又參酌蘇東坡先生黃鄂救嬰。彭南昀濟溺辦法。酌助錢米。極貧者六月。次貧者三月。使爲父母者。因得助而留。因留而愛。自然不忍拋棄。再有私溺者懲之。不糾舉者。左右鄰連坐並罰。或勸或懲。行之期年。溺者僅有聞。又一年。此積久相沿之惡風遂斷絕矣。撫院察其才。特保以知府陞用。闔境紳民。更爲立生祠焉。慎樞自清光緒元年。到銅鼓。蟬聯數任。迄十六年。始克告退回籍。春秋已七十九矣。越三年。無疾而終。子二。長文藻。另有傳。次子士藻。字壽臣。幼讀書。好爲古文。不屑屑於帖括時藝。閱

其文者。僉以遠大期之。由國學生應秋試。卽膺房荐。旋隨任江西銅鼓廳。助理文牘等事。而科名一途。遂無心進取矣。嗣丁外艱。服闋後。由分省試用知縣。投效奉天。適值開辦墾務。經欽使溥公。檄委要差。事竣。以本班留奉補用。時彰武方改設縣治。大府委任辦理設治事宜。其地蒙漢雜居。素稱難治。且僻在邊陲。爲盜賊淵藪。抵任後。首擒著名蒙匪羅海齡。繼有匪黨白音大來。六十三等。聲稱爲羅復仇。在縣境迤北起事。焚殺擄掠。其勢洶洶。士藻兵不滿百。聞報卽身率士卒進剿。與賊鏖戰三日。四面皆賊。軍火將匱。危在俄頃。幸援軍馳至。協力夾擊。摧賊壘三十餘座。斃悍首多名。軍威大振。白音大來乞降。惟六十三尙盤據巢穴爲患。繼連戰數月。亦窮蹙投誠。然陽雖就撫。陰懷貳心。兵退後。復挖壕修壘。密備軍火。士藻偵知之。遂決計犁庭掃穴。圍攻數晝夜。因軍火不繼。六十三乘間率衆潰走。更糾合朝陽巨匪王玉珠等。約千人。兇焰益熾。彰武是時設治未久。守禦之具。一無可恃。所請援軍。又因防務吃緊。不能兼顧。大局岌岌。有

灤

縣

志

卷十

人物仕績

四二

勸士藻將眷屬遷避者。乃曰。眷屬一動。人心瓦解。不可終日矣。吾世受國恩。義不容逃。遂作絕命詞。備火藥。爲闔門自焚殉節計。初王匪之入縣境也。雖爲六十三所勾結。實則避直軍之追擊。當熱河練軍陳管帶率兵追賊至交界地。聞已竄入彰境。意將折回。士藻聞報。星夜馳赴陳營。爲秦廷之哭。陳感動。越境來援。時六十三已進攻呂潤窩棚。距縣城僅十餘里。不意陳軍猝至。頓形失措。陳痛擊之。賊乃退。會援軍亦至。遂謀進擊。賊中軍火向係購自庫倫。士藻又設卡截獲之。賊遂坐困。六十三爲直軍所擒。磔之。其餘匪首亦次第殲除。地面漸臻底定。是役也。蒙漢紳民。乃勒石以頌其功德。上峯保薦。以知府銜同知直隸州升用。不數月而日俄之戰事以起。彰武雖地處局外。耐毗連戰綫。當庫倫之衝。俄人運大批軍火過境。往往爲日軍所襲擊。以致彰境大感不安。士藻外則肆應強鄰。內則保護領域。使全縣居民未遭塗炭者。皆因措置有方。俾得相安無事。迨日俄和議告成。大府以才優識卓。肆應裕如八字。入告。得補靖安縣知縣。

並加鹽運使銜。仍留任彰武。光緒丁未。調署綏中縣知縣。因病請假。赴京就醫。旋病故京邸。春秋五十有一。

李鏡江。字蓉波。幼穎悟。侷儻不羣。五歲時。卽能讀滕王閣詩。對客朗誦。娓娓動聽。長就外傳。好學不倦。爲文深博。有根柢。敦尙氣節。恆以禮義廉耻之語。勵勉同人。應童子試。卽以冠軍補博士弟子員。復受知於學使周公德潤。拔置高等。食廩餼。居鄉教授生徒。循循善誘。及門者皆悅服。光緒癸巳。舉於鄉。甲午。聯捷成進士。分發山東。卽用知縣。充丁酉科鄉試同考官。所拔人才。多一時知名之士。旋補甯陽縣知縣。甯地民頑好訟。鏡江到任。寬嚴並用。力矯頹風。倉穀數百石。多朽腐。欲易之。幕賓曰。以陳易新。虧折當不資。鏡江曰。如再因循。則不堪食矣。卒易之。虧折京帑數千貫。甯界陽穀滋陽二縣。多山嶺。盜賊出沒。甚爲民害。鏡江不時入山搜捕。又移請鄰封會勦。獲匪重治之。於是結怨羣小。有王得勝者。聚黨數百人。住西塾某廟中。遣一人持書來。請釋獄中某犯。否則某日攻城。

灤

縣

志

卷十

人物仕績

四二

鏡江告以城可攻。人不可釋。斥之去。至日傍晚。乃乘騎隨一弁出城。竟赴西塾某廟。時已暝黑。見燈火中旗鼓。似將東行攻城者。乃遣弁通之。王得勝遽出迎。戴花翎四品頂戴。及入室。則曰。縣尊何來。鏡江曰。聞汝將攻城。仇吾也。恐殃及吾民。故來就汝。並以大義曉之。羣盜悚聽。不敢加害。復遣匪護送回城。後數日。擒王得勝等數人。解省置之。法餘匪悉散。而甯陽已無盜跡矣。又滋陽某染肆被盜。兗州鎮總兵某。送盜六人。復以私函囑託。謂此卽滋陽盜案正犯。吾已上報大府。訊時務加嚴刑。不可寬縱等語。公細察六人。無一似盜者。置不理。人咸謂忤之將不利。鏡江歎曰。吾不能殺人以媚人。遂釋之。蓋此案正犯。實爲甯陽縣捕役某。前此已械送滋陽矣。某鎮怒。愬諸大府。卒撤公任。時庚子三月也。紳民欲上請留任。鏡江止之。卸任時。紳民餞送數里。攀轅臥轍。有泣下者。其遺愛可想見矣。初。鏡江至省。卽爲巡撫李公秉衡所賞識。歷委要差。又與濟南首府。胡公星舫。相知最深。滋陽盜案被誣。偵察者卽胡公也。是年八月。偶染時疾。終

於濟南時年三十七聞者惜之子寶元山東聊城縣縣丞

閆繼宗字紹庭崑子咸豐己未科舉於鄉弟昶宗庠生裕宗同治庚午科孝廉一門雍睦鄉里稱孝友焉官內閣中書選授山西薩拉齊撫民同知在任刑平政理去苛暴勸農桑時值光緒中葉宇內承平卽邊遠遐陬猶見循吏之蹟丁父憂旋里終於家

王奉琛字獻廷王家營人也光緒乙亥恩科舉人後選爲奉天金州廳教諭教士有方出其門者多掇巍科以去甲午清日戰事起清兵敗績日兵紛紛入城在官負城守責者皆棄城走奉琛獨衣冠坐明倫堂或勸之去曰此吾授命地也去此無死所矣日兵見其不屈曰此老倔強忠義士也舍之去且贈以詩有雪滿山城鴉去盡獨留老鶴守寒梅之句奉琛亦有詩題壁以見志曰人生講忠孝難在臨大節白頭蹈白刃何惜一腔血堂本是明倫十年蒞茲土一旦棄爾逃遺臭恐千古事平長官忌之竟誣以他事褫職李世是非顛倒類如此

灤

縣

志

卷十

人物仕績

四四

李鳳翔字鳴岐開平人性嚴毅而好施予光緒間服官雲南白鹽石膏等井大使升文山縣知縣多惠政值貴州烏江修橋工欸艱鉅雖事出鄰封而獨捐鉅欸大吏嘉其見義勇爲奏聞請獎及解組歸復以鉅金置井兒峪瑩祠中以備祭祀其慷慨敦睦如此

李晉年字子昭方各莊人光緒壬寅併科舉人初入太學肄業值庚子拳匪之亂六國聯軍犯闕兩宮西幸時太學逃避一空晉年以繙譯周旋其間國子監賴以保存各國將領宴飲恆相招晉年具函謝曰天子蒙塵在外微臣忍辱偷生諸君奏凱騰歡正是我邦奇耻倘使墮淚盃中不免大煞風景云云一時以氣節重於中外官助教以截取知縣任新疆鎮西沙雅墨玉等縣知縣有政聲卒於任所

李雲標字冲九李家閘人性豁達幼棄文習武中乾隆乙酉科武進士以侍衛除授漳州游擊壬申蔡榮祖謀逆檄標勦捕錄功調補羅源陞參將閩督以軍

政保舉一等。調補臺灣南路參將。旋署臺北副將。庚辰。實授廣西平樂副將。逾三載。保送引見。甲申。特旨簡放雲南總兵官。丁酉。召見。賞戴花翎。丁亥。改調甘肅涼州鎮。署提督。辛卯。調署陝西固源總兵官。旋歸本鎮。金川之役。奉調勦賊。多所斬獲。以病回籍調養。逾五年卒。州人有劉瑞者。多力。巨石數百斤。玩之如弄。中地主止之。瑞曰。吾遵蹊徑。何止爲地主。曰。徑人行也。牲畜則不可。瑞曰。聞命乃左挾。驅而去。雲標聞瑞名。召之。與較力。多平等。復與對坐。餓一日。再較。瑞少遜。雲標曰。戰陣之間。或追奔。或敗北。恆數日不得食。若餓則委靡。非將材也。揮去之。瑞少遇相者曰。汝技精而聲雌。終身沈埋。後果然。

### 民國

劉東美。字賓南。才子。才事蹟。見篤行。世居城西威鳳山莊。即巍峯山。生而穎悟。少年嗜讀書。刻苦鑽研。恆徹夜不寐。先世務耕稼。自東美始以讀書顯。時遜清同光年間。科舉鼎盛。士無以他途進者。初補博士弟子員。輒慨然曰。彼掇科第者。與人同耳。有志者事竟成。繼起者安知非僕。旋以光緒乙亥恩科舉於鄉。丙子聯捷成進。

### 灤

### 縣

### 志

### 卷十

### 人物仕績

### 四五

士廷試以知縣分省卽用。時東美大母孟猶在堂。年垂八十矣。不欲遠官異省。東美念大母幼年守節。晚年抱孫。寢食顧復。未嘗須臾離。乃陳請政府。乞改教職。補保定府教授。調順天府教授。旋升國子監博士。時翁文恭公同龢。管理國子監事務。嘉公品學優長。不失書生本色。乃咨送會典館。兼充校對官。嗣繼丁內外艱。服闋起復。先是東美以博士就截取同知。會典告成。彙保同知。得缺後。以知府儘先補用。並加四品銜。光緒季年。以同知需次山西。時巡撫丁公寶銓。治晉有聲。整飭吏治。舊所謂口北七廳。漢蒙雜處。尤號難治。特檄東美署理甯遠廳撫民府。今改涼城縣。甯遠轄境遼闊。漢蒙鉏鋸。訟案多積。年不決。公下車後。日坐堂皇。首清積牘。新接訟案。隨接隨審。細微者立與判決。以免兩造延累。徒飽衙蠹。命盜案出。距廳遠者或一二百里。聞報。立即輕車減從。馳詣相驗。嚴禁丁差需索。地方供張。並詔商民曉之曰。我本農家子。服官偶然事耳。來自田間。故深悉齊民疾苦。官場惡習。古人謂做官時少。做人時多。我輩固不能做官不做

人也。蒞甯不數月，循聲卓著，輿論咸以好官稱之。初蒙古有巨盜，控案纍纍，舊羈廳獄。至是盜黨賄託蒙盟首領六七輩，翎頂輝煌，謁廳保釋。實則挾勢以要之，並誘以重賄。公嚴詞拒之，聲色俱厲，曰：「吾官可去，此盜不能縱也。」首領乃快去。盜亦隨置諸法。迄今該處紳民，猶頌公風節不置云。時宣統二年庚戌也。署期屆滿旋省，未幾國體鼎革，巡撫陸文烈公鍾琦殉節，東美身經世變，浩然歸田里，居布衣草笠，日與田夫野老相酣嬉，絕口不談時事。春秋暇日，偶與二三朋舊，道故言歡，酒酣耳熱，憤時之色，不覺時發見眉宇間也。甲子歲後，頻年兵燹，閭里彫敝，東美默察時局，恆憂浩劫之未已，輒感慨係之。民國十七年戊辰十二月卒於里第，年八十有二。東美少年，卽嗜岐黃家言，晚節歸農，尤研求醫藥，弗輟。手抄醫學輯要若干卷，高尺許矣。家藏待刊。

王恩錫，字坦齋，號閻仙，增廣生。先世籍遵化，徙居灤縣三區邱家營，遂家焉。浙江大挑知縣，蔭堂公長子。性任俠，風流自喜，排難解紛，勇於任事。選補河南鄆

灤

縣

志

卷十

人物 仕績

四六

師縣典史，勤公守法，廉潔愛民，捐廉設立牛痘局，保全嬰兒無算。旋攝縣印，辛亥革命，告假回籍，惟餘兩袖清風而已。詩筆清逸，著有聞妙香齋詩草。子麟洪，法政學校畢業，飛洪軍需學校畢業。

周隲

原名文藻

字采臣，一字儕塵，慎樞長子。幼嗜學，常終日端坐，誦維不輟。清光緒

八年壬午科，舉於鄉，以資分發工部郎中。每當退食之餘，輒研究新文學，人多笑其痴，則曰：「欲求富強，必先昌明科學，非此無以興中國也。」自清末申午以後，海禁大開，交涉繁重，國家急需專門人才，隲以精通新學，擢升北京會典館提調，京師大學堂第一任總辦。造士有方，勤於職任，海內碩彥多出其門。

培等皆其得意弟子也。

旋以知府分發雲南，時臨安轄境有周大麻子者，聚眾倡亂，勢甚

倡獗。總督丁體常深憂之，曠至，卽派署臨安府知府，率兵勦賊，生擒周大麻子，餘匪盡殲。數年巨寇甫半載悉獲，盪平。上峯嘉其功，調補東川府知府。下車後，見地方風氣閉塞，士大夫仍多狃於舊習，競尚文藝，曲竭力提倡新學，乃就署

內創設中學堂。陸軍小學堂各一處。擇品端學邃者。延聘二三人。充任教員。而國文史地英算理化諸科。則與長子子覺任焉。校內經費。年需千餘金。概由個人捐廉。嘗語人曰。應作之事。有錢要作。無錢亦要作。但視其事之何如耳。由是負笈遠來求學者益衆。而新文化。遂沛然溥及於滇境矣。後試陸軍學生。得唐繼堯。器其才。保送留學日本。又得陳維庚。令追隨任所。日暮進諸前。而詔之學。兩人能孑然特出。光顯一時。皆賴隙造就之力居多。旋調署曲靖府。楚雄府。雲南府首府。在任三月。以不善逢迎。遠調開化府邊缺。其地接壤安南。苗獠雜處。素稱難治。多有爲隙抱不平者。隙曰。只求作事。何必擇地。遂毅然前往。噓枯育瘠。先濡以澤。因勢利導。漸洗其陋。復次第推行新政。設學校。辦警察。興水利。除惡習。人民愛戴。樂於更始。無復昔日獠狃之俗矣。時革命潮流。震動全國。總督錫良。以隙施政太新。疑之。復調東川府原府。檄至。父老攀轅相送。數百里不絕。隙因志不得伸。堅辭歸里。錫督悔焉。爲保道員。加二品銜。以慰之。治家勤儉。事

藥

縣

志

卷十

人物仕績

四七

必躬親。又精易理。闡明吉凶悔吝之旨。垂爲家訓。嘗諭諸子曰。讀書方能明理。吾不欲與汝等留產業。而欲與汝等遺學問。又曰。禍福繫乎天數。不可見利而趨。遇害則避。但憑天理良心作去。雖敗亦無可悔。勿因目前利害而變節。徒致身敗名裂耳。民國改元。卽息影津門。六年津沽一帶大水。諸河漫溢。慨然曰。此非天災。皆因治河無術。有以致之。遂應水利局總編纂之聘。撰述五大河源流。而於興利除弊之策。論之極詳。在職年餘。餽薪則力拒弗受。曰。吾爲桑梓服務。非圖利也。九年卒於天津。春秋七十有二。長子子覺。字尹任。幼承庭訓。新舊學問。俱有根柢。善詩文。尤精騎射。隙任雲南臨安府。奉命勦賊。時子覺未弱冠。堅請隨軍前往。每有參與。悉中機要。人多奇之。後隙守東川。創設中學堂。及陸軍小學堂。子覺襄理校務。兼任史地英算等科教員。諄諄提命。必俟諸生得解而後已。隙致仕歸里。隨父北返。入北洋講武堂畢業。辛亥革命軍興。子覺潛往參加。充臨時總統府秘書。未幾清廷遜位。改建中華民國。子覺以革命有功。保陸



軍步兵中校。供職北京。薦升中將銜。陸軍少將。至八年己未。任總統府侍從武官。因南北政爭劇烈。奔走議和。心力交瘁。十四年卒於南京。時年三十七。著有應用武學問答一書行於世。

石耀宗。字卓天。六區石家莊人。清光緒乙亥恩科舉人。選補順天廣平正定等府教授。升國子監博士。籤分山西。截取同知。署理汾州府。張蘭鎮水利清軍府。遼州直隸州。東勝廳撫民理事府。勤慎廉潔。政理而民不擾。無赫赫之名。而有休休之度。鄉里咸宗仰之。民國成立。掛冠回里。年七十餘卒。子廣垣。青島地方法院院長。

陳瑞昌。字鳳岐。四區方家泡人。附生。考職補山東聊城縣典史。民國改管獄員。調署金鄉縣。性恬淡。於物無忤。不事具文。治獄無苛政。任事八九年。始終如一日。去聊時。囚徒聞之。皆泣下。

朱繼經。字六詒。生五六歲時。言動舉止如成人。年二十。以冠軍入府庠。永平太

灤

縣

志

卷十

人物仕績

四八

守。游公智開。深器之。收歸門下。旋考取清光緒乙酉科拔貢生。入國子監肄業。甲午科登賢書。值重修大清會典。繼經充會典館館員。以勞績保知縣。投效吉林。掌省城書院。品學文章。爲士林宗仰。旋署理磐石縣。縣篆。升任濱江廳同知。臨江府知府。革命後。年甫五十。卽乞休歸里。寓居北平。以不吸煙。不打牌。不作官。不當議員。號四不齋主人。初繼經之署磐石也。值日俄之戰起。延及磐境。內保民衆。外顧強鄰。應接有方。深爲彼軍所敬服。惟以行軍之故。禁忌民有兵器。吉省素多盜。加以變亂。民無防身之具。盜匪遂恣意劫掠。繼經親見俄帥。剴切陳詞。爲民請命。俄帥爲之動容。乃徧諭偏裨。凡屬磐境防盜。聽民自便。始克舉辦團練。盜遂遠遁。磐石爲新設縣治之區。地處邊荒。獠狃未化。其俗死常不葬。乃頻申告誡。其風遂革。又地多閒曠。導以樹藝。民多天札。施以醫藥。市苦錢法。太濫。爲之手定規制。以祛積弊。民間訴訟。當堂剖決。聽斷公允。案無留牘。而訟累一清。其因公下鄉也。輕騎簡從。餼糧自給。祇飲民間一盃水耳。向來供億。一

律罷除。鄉民爲之語曰：今年秋成，十成中又增一成矣。蓋謂其不擾也。蒞任甫一年，政聲播於遐邇。盜賊斂迹，境以大治。士民爲樹德政碑，以紀其實。繼經初膺選拔，以小楷名於時。後兼攻繪事，及岐黃術。書法歐陽率更，畫倣白陽山人，而尤工指畫，得其片幅，異常寶貴云。

任瑞元，字毓芝，一區任店子人。性敦篤，家世力農。父喜讀書，遂命習儒業。君發憤下帷，朝夕孜孜罔倦。嘗曰：揚名聲，顯父母，方不愧爲人子。此先人之志，吾安得須臾忘之耶？補博士弟子員，旋食廩餼，文名噪起。擔簦負笈者，自遠來，群相執經問業。遂設帳以教授之。光緒壬寅，補行庚子辛丑併科，舉於鄉。以知縣分發河南試用。汝甯府知府長樂李公兆珍，任灤時，卽深相器重。因調赴汝甯，委辦府署發審處。宣統元年，奉檄代理西平縣事。其時新章契稅，加征三分。瑞元軫恤民艱，特爲剔除平餘，僅增收一分。邑民大悅。又該縣重渠橋地方，數十村屯，因築隄相爭，械鬪不已。搆訟多年不解。遂召集邑紳，善爲理處，雙方悅服。事

灤

縣

志

卷十

人物 仕績

四九

遂平息。爲建立穹碑，以頌其德。民國元年，調署正陽縣，立宣講所，以開民智。又編輯勸戒詞數十條，排印萬餘紙，分佈四鄉。俾婦孺咸能了解。平反積獄，凡百八十餘起。卸事時，紳民赴省具呈挽留。雖未核准，而頌聲已載道矣。四年考取第四屆縣知縣，仍分河南原省。到省後，以舊疾復發，遂回籍養病。七年，第二屆順直省議會選舉，當選議員。十年改選連任。常川駐會，仗義執言，守正無罔。屢提議案，均屬興利除害諸大端。附議者多，故案皆成立。先是直隸自有明洪武間，施行里長制，沿襲旣久，弊竇叢生。吏役追呼如疽附骨，邑民苦之。無處申訴，乃不避艱難，慨然引爲己任。提議案於省垣，具呈詞於縣署。數百年積弊，一旦卒爲之剷除，並勒石以垂永久。全境歡然，爭製綽楔，以銘其德焉。十八年卒於鄉。年六十一歲。

吳蓉，字鏡江，一字秋舫。天性孝友，好學不倦。十三歲應童子試，卽以第一名冠軍。越明年，與兄萱同應歲試，復以經古文膺首選。督學使者賀公壽慈，手書老

蘇文學能傳子。小宋才名不讓兄。一聯以贈。士林榮之。清同治庚午科。以經魁領順天鄉薦。文名藉甚。因公車兩上不利。亟思捧檄娛親。迺應考京曹。授內閣中書。以博洽能文。熟於掌故。派充本衙門撰文。一時應制題奏。語勅多出其手。補缺後。晉署內閣侍讀。曾惠敏公之出使歐州也。擬奏調爲使館參贊。蓉以親老謝之。光緒初年。中俄劃界。交涉失敗。因憂國事之日危。乃益研討經世之學。與同文館教習德貞等交游。知鐵路爲強國之具。爰糾同志多人。呈都察院代奏。請以公司名義。借美款二千一百萬兩。修蘆漢鐵路。三十年無條件收歸國有。附帶報效黃河工程。廷議詢北洋大臣定准駁。李文忠公力贊其議。不期格於總署。不果行。識者惜之。光緒十二年。永遵各屬水災。蓉集同鄉京官。領銜請賑。全活災民無數。旋奏保。以截取同知分省浙江。並以知府在任候補。又奏保俟補缺後。以道員用。辛卯浙江鄉試。充同考官。得士稱盛。出闈後。卽赴嚴州府同知任。丁酉鄉試。復充內簾總收掌官。考試畢。調赴溫台玉環廳任。其地孤懸

灤

縣

志

卷十

人物仕績

五〇

海外。島嶼星羅。爲海疆衝要。素有優缺之名。蓉蒞任。日以親民爲務。重禮教。以敦風化。創學校。以開民智。辦保甲。以清盜源。立常平倉。以備災旱。繼復出其俸給。買書籍。以贈寒士。購船械。以治海盜。修塘工。以捍海潮。治玉六年。百廢俱舉。政績爲全省冠。大府以廉明慈惠。勤政愛民。奏保。大計卓異。庚子拳亂事起。蓉相機預爲之備。當時全浙騷然。獨玉環不被其禍。士民感其遺愛。立碑以志去思焉。旋奉令監甯紹等府酒稅。涓滴歸公。處脂膏而不以自潤。商市不擾。增課百萬。時杭嘉湖三府。各屬縣有浮收漕糧之案。撫軍張公會敷。以蓉守正不阿。密令查辦。至則盡發其覆。追還侵帑數十萬。擇貪墨較甚者。劾罷數人。以示寬大。而免株連。先是各縣風聞查辦。擬集金十萬。餽查辦者。以求彌縫。繼知來者爲蓉。竟畏不敢獻。其嚴正有如此者。繼而紹屬嵊縣。土匪蜂起。戕殺營官。提督呂軍門。率師進剿。撫軍馮公。慮師行波及無辜。乃調蓉襄理軍務。付以全權。蓉嚴申軍紀。不許妄戮一人。隣近各縣良民。皆獲保全。事平錄功。加三品銜。以知

府留省補用。仍以道員記名簡放。辛亥武昌義師起。蓉時任全浙海塘工程總局事。知浙軍有繼起之訊。由海甯差次。星夜返省。謁撫軍增子固。請宣布獨立。以弭戰端。爲駐防將軍所尼。光復後。湯公壽潛。出任浙督。一再請辭職。湯公以海塘繫浙西千百生命爲言。不得已爲勉留數月。卸職後。攜眷僦居西子湖邊。于菟橋畔。購地種桑植藥。以自給。民國十年。子鴻振奉迎北歸。自號雲石老人。閉門隱居。以讀書作字自娛。書法初學二王。中年致力於平原。晚年乃參用永興筆意。深得古人以錐畫沙之旨。性謙和。求書者踵相接。終日揮洒。無不滿志而去。時兵戈擾攘。鮮獲甯居。然憂國之心。老而彌篤。民國二十四年七月。以微疾卒。享年八十有八。臨終神識清明。誠子孫以孝弟力田。勿忘祖宗廉讓恭儉之訓。居鄉以積學高行爲里黨所欽。居官前後四十餘年。公而忘私。廉勤自矢。以清白遺子孫。可不謂之賢乎。惟天性嚴正。不肯逢迎顯者。以致弗獲爲世大用。平生博極羣書。善詩古文辭。著有思寡過齋詩文集。各四卷。尺牘八卷。待梓。

灤

縣

志

卷十

人物 仕績

五一

晚歲有莊子集註之作。惜稿未畢而歿。子鴻振。浙江候補通判。長蘆等處灘坵局局長。孫二。道業。農校專科畢業。滄靜等縣菸酒公賣局局長。沆業。燕京大學經濟科學士。姪孫大業。西沽大學畢業。北平財政部印刷局局長。興業。清華大學畢業。美國醫學博士。



